

Feb 18

1880

~~100~~

100

100
100

100

R. 28
7/24



● R. 28. F. 24

no-260

21-88



i 18996115

Ioannis Chri-

STOPHORI CALVETI

STELLAE DE APHRODISIO

expugnato, quod vulgo

Aphricam vocant,

Commen-
tarius.




ANTVERPIAE,

Apud Martinum Nutium.

P.V.G. M. D. L I.

Cum priuilegio Cesareo
ad decennium.



CAutum est Cæsareo priuilegio ne
cui Commentarium Stellæ de A-
phrodisio proximo decennio imprime-
re liceat, aut alibi impressum venalem
proponere, præterq̃ Martino Nucio,
cui ipse Stella rem commisit. Qui secus
fecerit, mulcta illi esto confiscationis
librorum, & quinquaginta Carolino-
rum. Datum Bruxellis. XV. Cal.
Septemb. Anno M. D. LI.

Facuez.

CORNELII SCEPPERI

Viri clariss. ad Lectorem

PRÆFATIO.



POLYBIVS Megapolitanus Scipionis Africani maioris coætaneus et præceptor, veritatē in Historia perinde atq; oculum in iumentis esse dicit, ac veluti si quis oculos animanti effoderit, quicquid superest corporis inutile fit, ita dempta ex historia veritate narrationē omnem reddi inutile. Quod si pleriq; superiorū temporum & nostrorū scriptores animaduerfissent, nō sanè tot eorū libros conspiceremus plenos mēdaciōrū, dū suæ quisq; gētis res extollere, aliorum eleuare conatur: stolidi pariter & impij, si iudicio id et voluntate faciāt: sin verò pro genuinis adulterina eorū nomine prodeunt, miserandi. Cōtigisse enim multis

A ij scio

P R A E F A T I O

scio, qui cū res veras scripserint, neq;
 vllis affectibus ab amussi recesserint,
 in sceleratissimas quorundā manus in-
 cidentes, emissi sunt à seipsis alienissi-
 mi, ita vt nō historiā scripsisse, sed fa-
 bulati planè atq; nugati esse videātur,
 magno profectō Reipub. malo, cui quā-
 tum subueniat historiæ cognitio ad om-
 nes vitæ rationes instituendas, non est
 instituti huius dicere. Proinde magna
 laude digni sūt, qui in hoc genere inno-
 cēter versati, quæ præclare acta sunt,
 literarū monumētis cōmendare stude-
 rūt, vt habeat posteritas, quæ admire-
 tur pariter & imitetur. De quorū nu-
 mero facilè cēsebis esse Io. Chris. Stellā
 ex Hispanica nobilitatē magnæ erudi-
 tionis et iudicij virū, qui cū videret res
 superiore anno in prouīcia Africa for-
 tissimè et felicissimè gestas varijs mo-
 dis

dis deferri, nōnullis totā eā victoriā so-
 lis Italis, alijs solis Lusitanis adscriben-
 tibus, suppresso penitus Hispanorū no-
 mine, ac si ex ea gente nullus istic mili-
 tasset, indignum ratus est pati, eius rei
 fructum ab alijs carpi, q̄ ab ijs, quorum
 excelēte virtute parta est. Parta autē
 imprimis est ab Hispanis, non quòd &
 alijs gētibus, qui in eam expeditionem
 profecti sunt, suā sit glōria adimenda
 (nemo enim eorū nō strenuē atq; forti-
 ter egit) sed quòd insigniter pauci ma-
 gnum momentum ad palmarium adfer-
 re nō potuēre. Etenim Carolus Cæsar,
 cū de militari virtute Hispanorum
 suorū variari, aliarum gētium iudicia
 videret, quò solidæ fortitudinis speci-
 men exhiberent, solos, aut saltē q̄ pau-
 cissimis aliarum nationū comitatos in
 Africam trajcere voluit. Neq; verò in

P R A E F A T I O

obscura aliqua vrbe, aut quæ prius belli expers intentataq; permanserat, sed in ea voluit ipsos periculū facere, quæ totius Africae propugnaculum atq; arx vnica, ab alijs Clauis multis ab hinc tēporibus nuncupata, variarū gētium diuersis obsidionibus pressa, conatus omnes hostiles inuiēta ludificauerat, ciuilitantū bello domesticaq; seditione libertatē seruitute cōmutauerat. Vt enim tacēā quoties primūm Siculi deinde Neapolitani reges arma aduersus eam frustra mouere: nōne insignis et cū primis memoratu digna ea fuit expeditio, quæ sub annū nostræ salutis. M. CCC. LXXX. à Gallis & Liguribus, ductu atq; auspicijs Ludouici Borboniorū ducis aduersus eā potissimū instituta fuit? Parum enim cæteram prouinciā Africā Ligures aliq; maritimi Italiae populi existimabant,

mabant, si modo ea vrbe sola potiri potuissent. Itaq; ad eam oppugnandã ipsi quidem cõtulêre naues lōgas trecētas, onerarias centum, militum viginti milia, et cōmeatũ, qui trãsuehendis alijs, qui in sacrã eam militiam nomina darent, abundè sufficeret. Gallorum verò atq; Anglorũ, Belgarumq; eorum, qui Francorũ imperiũ nō agnoscebant, numerus fuit milliũ quatuordecim; perspectæ omnium nobilitatis, quòd obscuro loco nati ferendis sumptibus pares nō essent, atque ob id edictò excluderentur. Et tamē neq; tã magnæ classis, neq; tã numeroso exercitui, nec peritiæ militari tunc cessit Aphrodisiũ: sed post bimestre, à quo cœpit, magna cū iactura nostrorum obsidio soluta est. Quanto maiore admiratione digni sunt, qui classe permodica, vix mediocribus co-

PRAEFATIO AD LECT.

pijs, nec multo longiore tempore voto-
rum cōpotes effecti, paucissimis, pro ma-
gnitudine rei amissis, aut in vrbe expu-
gnata per vim mansere praesidio, aut
in patriam, hostilibus exuvijs praedaq;
onusti, victores reuersi sunt? Proinde
annō magnoperè cōmendādus Stella,
qui taliū virorū memoriā extinctū iri
nolens, tā luculenter graphicēq; totam
eam expeditionē depinxit, vt res ipsae
nō legi, sed geri videātur? Tali autem
candore sermonis, vt eò nihil purius,
nihilve tersius haberi possit. Quā cūm
lecturus es, primūm apud te perpendas
oportet, Deū sanctis & pijs conatibus
hominū fauere, deinde victoriā ex eo,
nō ex hominum multitudine roborē ve-
pendere. Postremò mediocrem vetera-
norum virtutem magnis aliorū copijs
nō immeritò esse formidabilem.

Ioan. Christo-

PHORVS CALVETVS

STELLA CLARISS. VIRO LVDOVICO
co Auilæ Stunicæ militiæ Alcant
tarenfis Præfecto S.




*R*ave onus, longèq̄ ma-
ius, quàm sustinere pos-
sim, mihi imposuisti, vt
ea literis mandarẽ, quæ
Hispani in Africa superiori æstate ges-
serunt. Quis enim, etiam si id assequi
velit, se consecuturũ speret, vt in scri-
bendo Martiæ Hispanorũ virtuti par-
esse possit? aut eorum laudes, & pace,
ac bello præclarè gesta, quàmuis elo-
quens, & in dicẽdo suavis & ornatus,
ingenij culpa non eleuet? Quibus si ta-

A v Græcis

*Græcis & Romanis, olim cōtigissent :
 non minus certè quæ fortissimè ipsi fe-
 cerunt, nota posteris essent, quàm quæ
 de suis illi tradiderunt. Vt cunque erit,
 iuuabit tamen vel periculum hac in re
 fecisse, tibiq̃ Principi viro ac de Hi-
 spania q̃ optimè merito gessisse morè :
 quippe qui Caroli Quinti Cæsaris, &
 Hispanorum res gestas quotidie illu-
 strare non cessas. Sed legant Hispani
 hæc per te, & quidem ab homine Hi-
 spano conscripta, & semper, vt sunt
 soliti, vincant, Inuictissimiq̃ Cæsaris
 nomine, & auspicijs signa vltra Eu-
 phratem proferant, maiorem laudem
 ex sua ipsorum virtute, quàm ex
 vlla Scriptorum faciundia
 sibi vendicantes,*

VALE,



Septentrio.

Meridies.

Occidens.

Io. Christopho

RI CALVETI STELLÆ

DE APHRODISIO EXPVGNATO

COMMENTARIVS.



APHRODISIVM, quod
vulgo *Aphricam*, *Maus-*
ri Mahadiam appellāt,
in ea *Africae* ora positū
est, quæ in *Tunetēse* re-

gnum abiit, quā aditum habet à terra
directa fronte inter *Septentriones* &
Austrū ad ducentos passus patet, reli-
qua mare alluit. Eius verò spatij pars,
quæ ad aditū pertinet, duplici muro, et
altissima fossa inter vtrunq; per ducta,
& turriū altitudine munita difficilem
habet oppugnationē. Hinc *Aphrodisiū*
ipsum paulatim latum fit, mareq; ab v-
troq; latere, veluti in sinum, ad eas vsq;
turris admittit, quæ in occasum *Solis*
spectant.

spectāt. Deinde latius factū rursus ad
 orientē solē contrahitur, in tenuēq; cu-
 spidē desinēs lingue speciē refert. Ama-
 ri autē quanq̄ simplici muro, ne ea qui-
 dē crassitudine, qua à cōtinēti cīgitur,
 tamen eò propius accedere perdifficile
 est: propterea quòd mare est illic vado-
 sum, et breuibus plenū. Murus et crassi-
 tudine, quā habet, et turriū multitudi-
 ne, et quòd frequētissimis fibulis reuin-
 ctus distinetur, præcipuē à terra firmis-
 simus est. Nā qui interior est, in latitu-
 dinē pedū quīdecim, qui verò pro fossa
 est, quinq; patet. Porta, qua ad oppidū
 est ingressus, altissimis turribus et ope-
 ris varietate et firmitate est saneq; ad-
 mirabilis, tot sunt in ea inextricabiles
 anfractus, tot gyri, tot arcuati flexus
 suis quisq; æratis postibus vtrinq; muni-
 ti. Post quos tēstudo quædā fornicato
opere

opere, longa pedes septuaginta ingredientes excipit, adeò angusta et obscura, ut omnium mentes animosque perturbet, et quasi cum aliquo numine terreat, speciemque potius auerni specus, quam ingressus ad oppidum præ se ferat. Quo fiebat ut Mauri maiestate oppidi, & religione adducti crederent nulla vi ipsum expugnari posse. Intus quæ ad Septentriones vergit, monticulus nascitur passus circiter à muro sexcentos: abestque, quæ in austrum spectat, à nauali & cothone centum, qui et amplitudine, & operis magnitudine longè alios antecellit. Nam præterquam quòd muro continetur, tutissimoque in loco positus est, multo capacior fieri potest: aditumque ita perangustum habet, ut singulas triremes, sublatis etiã remis, faucibus, veluti canali quodam, intrò agrè admittat: eoque amplius quinquaginta se recipere,

ibi

ibique porta præclusa, quæ aggere & turribus est munita, tranquillè hyemare possint. Fuit hoc oppidū sub imperio Tunetēsīū, donec pulso Huzanio Chelenuio, qui Ariadenū Ænobarbum summa necessitudine attingebat, quiq̃ proditione quorūdā ipsum occuparat, sese in libertatē vindicauit. Quā viribus et multitudine hominum diu retinere potuisset, nisi eā Dorgutes Turca pirata insignis oppidanorū aliquot p̃fidia adiutus eripuisset. Is à Meninge illa Loto-phagorū, quā Gelues hodie vocant, solues, quæ insula in minore Syrti p̃ote ad promōtorīū Zethā cōtinenti cōiungitur, Aphrodisiū venit, præmissis eo cōsilio pedestribus Turcarū copijs, vt simul atq̃ ipse à mari oppidū se velle adoriri simularet, cōcurrētibus eò oppidanis, illi statim à terra ex insidijs irrumperent,

perēt, ipsumq; caperēt: nec fortuna cō-
probato hominis cōsilio euentui defuit.
Capto Aphrodisio Dorgutes se Dyna-
stā appellari iubet: Africæ, Maurita-
niæq; orā occupare, imperiū protēdere,
ex Neapoli Siciliaq; prædas agere ani-
mū intēdit: creuissetq; præter modū vi-
ribus, nisi eodē anno, quo oppidū captū
est, qui fuit quingētesimus quinquage-
simus supra millesimū ab Hispanis fuis-
set repressus. Sed res ipsa exposcere vi-
detur, vt pauca de Dorgute præmittā,
quò facilius percipi possit, vnde Turca
humili per obscuroq; loco natus ad tātā
dignitatē puenerit. Qui cū aliquādiu
sub Ænobarbo tyrāno Christiani no-
minis hoste atrocissimo meruisset, pira-
ticam facere cœpit, nō ea quidē fortuna
ac nomine, quo Iudæus et Cahis cogno-
mine Diabolus, Halaq; & alij qui sub
Æno-

Ænobarbi imperio fuerunt. Sed breui tantū virtute enituit, vt meritò ipsum Ænobarbus piratis omnibus præficeret, cū Othomanicæ classis, quæ anno trigesimo octauo coacta fuerat, imperij summā teneret. Hæc cū ipse Cōstātinopolim reuersus dimisisset, Dorgutes tredecim nauibus longis in Corsicā Genuesiū insulā re nauigauit animo periniquo, & Christianis infenso. Sed hic conatus ei infeliciter cessit. Nam ad eā insulam euastatis prius, & incensis aliquot Christianorū maritimis locis, cum triremium classe, quæ Cæsaris stipēdijs militabat, confligens, amisit vndecim nauibus in potestatem Ioannis Auricæ venit, qui ei classi præpositus erat, & Andreæ Auricæ Principi Melphitano, & rerum gestarum gloria, & rei naualis scientia, atque vsu longè clarissimo

cum

cum primis charus, maximisq; necessitudinis vinculis cum illo cōiunctus. Captus Dorgutes nō animum hoc casu demisit, sed spei plenus in triremibus Aurie multo tēpore cathenis cōstrictus eandem fortunā, quā alios pati cōegerat, fortissimè pertulit: de quo si more maiorum suppliciū sumptum fuisset, non tam infestum mare habuisset, neq; tot incommodis Christianos affecisset. Nam paruo pondere auri libertate pristina recepta, ad Meningem se contulit, vbi & auctoritate, qua plurimū apud Barbaros poterat, & amicorum ope viginti nauium logarum classe contracta in Italiam proficiscitur, totamq; Ligurię oram depopulatus captis aliquot nauibus onerarijs, & trireme vna Cigalæ Genuēsīs cum ingēti captiuorum;

& mercium numero remēso mari ad
 Meningē redijt, vnde non parum no-
 minis & auctōritatis cūm apud a-
 lios, tum apud Turcas, quorū opera
 potissimam vtebatur, est cōsecutus.
 Insequenti vere ex naualibus naueis
 producit, summa industria armat, re-
 migium supplet, triremes treis adij-
 cit, sagittarijs tormentisq̄ complet:
 classe sic instructa naueis ex insula
 educit, oramq̄ue Ligustici maris &
 Iberici percurrentes, plus certe cla-
 dium, quā superiore æstate intulit.
 Nam præter captiuorū turbam, tri-
 remem vnam Rhodiam tempestate
 ac ventorum vi in Pithecusam, quæ
 Ischia dicitur, deiectam, qua magna
 vis auri & argēti importabatur, ce-
 pit, cūm ipse prædandi causa in eam
 insulam venisset: quod herclè fortu-

*na nimium ei indulgēti tribui potest. Vix enim contingit Rhodias vel de-
 primi, vel capi: tanta est militum il-
 lius ordinis virtus, & rei naualis ex-
 ercitatio. Id cūm Andree Aurie ma-
 ximo Cæsareæ classis Præflecto nū-
 ciatum esset, maturat ex Geuuenfiū
 portu exire, viginti triremium nu-
 mero omnia maria lustrat, Prædonē
 quærit, vt cū eo decertet. Qui tamen-
 si est admodum callidus, & longo re-
 rum vsu præditus, tamen cauere non
 potuit, quin in conspectum Cæsareæ
 classis veniret: quæ conspicatæ trire-
 mes nostræ in eū sese incitauerūt: sed
 ille earum impetum metuens ex alto
 refugit, interuentu beneficioq; no-
 stis euasit, & in Meningem cū omni
 præda se recepit, ibiq; hyemare consti-
 tuit. Ineunte proximo vere animū*

ad maiora adpulit, Aphrodisium, vt
 supra demonstratum est, cepit: ibi a-
 liquandiu commoratus cothonem ex-
 purgandum curat, aggere & propu-
 gnaculis muniri iubet, trecētos Tur-
 cas oppido præsidio relinquit, his præ-
 ter oppidanos adiungit quadringētos
 Mauros, quos ex agris cōegerat, qui-
 bus omnibus Turcam quēdam Soro-
 ris suæ filiū præficit vnā cū Halete
 viro strenuo, qui nomen cū religione
 mutauerat. His oppidi custodia com-
 missa, omnibusq; rebus cōstitutis, na-
 elus peridoneā ad nauigandum tem-
 pestatē naues Aphrodisio soluit, &
 in Hispaniam contendit. Erant nu-
 mero quadraginta septē, partim Li-
 burnicæ & actuariæ, partim bire-
 mes & triremes, adiūctis aliquot na-
 uigijs speculatorijs. Nemini dubium
 erat,

erat, quin hac classe Dorgutes insignem calamitatem Christianæ Reipub. illaturus esset, his præsertim insulis, & maritimis ciuitatibus, quæ Carolo quinto Cæsari parent: quod, ne accideret, cùm Auria renunciatū esset, quàm celerrimè præcauendum putauit: intelligebat enim dignitatis suæ esse, hominem ferum, & barbarum comprimere, neq; ferendum esse, in cōspectu penè ipsius liberos, & coniuges in seruitutem abduci, populationes fieri, & vicos, oppidaq; incēdi, naues deprimi, & capi. Videbat etiā maximè periculosum Neapoli, & Siciliae fore, piratam finitimū habere: propterea quòd id oppidum, cuius imperium ipse obtineret, cōtra Siciliam est, in quod, si qua vis vrgeret, tanquam in tutissimum portum, se reci-

pere posset. His rebus *Auria* adductus, triremes ex naualibus educi, cohortes *Hispanorum*, quorū opera superiore æstate vsus fuerat, ex *Insurbria* euocari, & omnes ad *Spediam*, quod oppidū est *Liguria* in sinu *Eri*cis, *Specia* vulgò dictum, conuenire iussit. Erāt hi milites, quos *Didacus Ferdinandus Morerela*, *Rodericus Paganus*, & *Amadorius Nauarrus* in *Hispania Betica* conscripserant. Quos etiā *Philippus Princeps*, cūm ex *Hispania* in *Galliam Belgicā* contēderet, triremibus conuexerat: eosque vt præsidio ei tractui essent, quē *Malamspinā* vocant, reliquerat. Vnde militari *Hispanorum* more nomē illis à *Malaspina* inditū, qui ex præsidijs & stationibus cohortibus nomē imponere solēt. Omnibus rebus ad

naui-

nauigādū paratis Auria ex Genuen-
sū portu viginti triremiū classe Spe-
diā delatus milites, quos euocari ius-
serat, inuenit: eorū ordines hi duce-
bāt, quos paulò antè recēsui, sub Fer-
dinando Lupo Lusitano militū Tri-
buno. His omnibus triremes conscen-
dere iussis nono Cal. Mayi Spedia pro-
fectus, tribusq; ad Liburnum Thuf-
cia portum adiunctis triremibus Cos-
mi Medicis Florentinorū Principis,
quatuorq; Iulij. III. Pontificis Max.
ad Pyrgos veteres, in quas nulli mili-
tes extra ordinem impositi fuerant,
Neapolim pridie Nonas peruenit. I-
bi Garsias Toletus, & Antonius Au-
ria vnā cum Neapolitana classe, quæ
Cæsaris stipendijs merebat, se illi ad-
iungunt: quingētis Hispanis, quos ex
Neapolitano præsidio eduxerant, in

*tredecim triremes impositis. Neapoli
 biduum Auria moratus Panhormū
 septimo Idus Maij adpulit, auctōque
 triremiū numero decē Siculis, quibus
 Berēgarius Requesentius præfectus
 erat, & quatuor Rhodijs: cū intel
 ligeret Dorgutem re frumētaria, &
 cōmeatibus premi, statuit eò cursum
 dirigere, quò rationē etiam cogente
 ipsum recurrere erat necesse. Itaque
 Panhormo soluēs quinquaginta qua
 tuor triremium instructiſſima claſſe
 maria circuit, nihil intactū, quò præ
 doni occurrat, relinquit. Sed neq; in
 his locis, ad quæ fama erat ipsum at
 tigisse, inquirendo Auria reperire po
 tuit. Hinc in Mauritaniam transit,
 orāq; Africæ præterlegens perſpecto
 Aphrodisij situ, in Monasteriū rena
 uigat, quod oppidū firmiſſimo Tur
 carum*

carum & Maurorum præsidio tenebatur. Id enim Dorgutes operam dare, ad id incūbere, totisq; viribus contendere, vt oram illam Africæ occuparet, imperium protraheret, Aphrodisium arcem regni, caputq; constitueret. Eò cūm Cæsarea classis appulsa fuisset, & Turcæ nostros a quatione prohibuissent, Auria & Toletus expositis militibus Monasterium oppugnare cœperūt, atq; strenuè se defendentibus Turcis tormenta educi, muros quati, irruptiones fieri iusserunt: acriter vtrinq; pugnatum est, quoad Hispanorū impetū oppidanis non ferentibus oppidum captum est, & militibus prædæ datū. Cæsi sunt ex hostibus circiter trecēti, capti mille & ducenti, ex nostris centū quinquaginta partim interfecti, partim vulnera

ti: in his Morerela graue vulnus accepit. Hoc detrimentum nostris illatum est, quòd à principio oppugnationem parui duxerant, tormentaq; expediri neglexerāt, ex quibus aliquot disruptis magnum incommodum acceptū est, nonnullaq; triremes afflictæ, ac primaria Caroli Aragonij Terræ nouæ Marchionis depressa, nihilq; ex ea præter remiges & tormēta reliqui factum. Capto Monasterio Auzria Aphrodisium oppugnare statuit: sed antequàm id tentaret, dignū duxit ea de re Ioannem Vegam Proregem certiozem facere: qui ex legatione, qua apud Summum Pontificē non minore gratia, quàm auctoritate Cæsaris nomine p̄functus fuerat, Sicilia cum imperio obtinebat: cuius singularis prudentia magno rerū vsu perspecta,

speçta, animiq; magnitudo nemini nõ
erat cognita. Dum hæc in Africa ge
runtur, Dorgutes totam ferè oram
Iberici maris percurrès & oppidum,
cui nomen est Sancto Ioanni, non pro
cul ab Alicanto, quod plærisque Illi
cen, nonnullis Alon esse videtur: &
Culleram, quam docti Sucronem pu
tant, in Valentinorum littore diri
puerat, paruumq; hominum nume
rum, cum imprudẽteis, inopinanteis
que inuasisset, in seruitutem abstra
xerat. Inde ad Ebusum, & Baleares
insulas defleçtens, cum Polentiã ma
ioris insulæ urbem de improviso sub
quartam vigiliam adortus esset, in
sulani seminudi, correptis armis, ma
iorum virtutis non immemores for
tissimè Turcas repulerunt, recupe
rataq; præda, multis etiã interfectis

eos

eos ad naueis vsque insecuti tantum
 cladis Dorguti intulerūt, vt reliqui
 piratæ, qui id temporis sub ipso præ-
 dabātur, animo cōsternati, alius aliò
 discedere, relictoq; eo in sua se quisq;
 recipere decreuerint: quòd plus ia-
 eturæ quàm lucri se fecisse intellige-
 rent. At Dorgutes nullis casibus fra-
 ctus decem & septē nauibus, reliquæ
 enim iam abierant, Neapolim, Sici-
 liamq; præteruectus, cūm Aphrodi-
 siū deferri nō posset, propterea quòd
 à nostris hoc tempore obsidebatur,
 ex alto prospectabat, si quam ex one-
 rarijs nauibus, quibus ex Sicilia fru-
 mentum exportabatur, impetu factò
 interciperet, quo eius diei detrimen-
 tum sarciret. Dum ad hæc animum
 intendit, conspiciatus quinque trire-
 mes, quæ Aphrodisio Neapolim trās-
 ibant,

ibant, atque existimans eas reliquas
Cæsareæ classis anteire in Meningē
profugit. Interea Auria capto Mo-
nasterio, & Aphrodisij situ diligen-
ter perspecto animum induxerat op-
pidum obsidere, ac nō, nisi expugnato
ipso, abire. Videbat enim malū indies
ingrauescere, Dorguti vires cresce-
re, potentiam augeri, neque è re Cæsa-
ris, & Christianorum esse, illic Præ-
donem imperij sedem habere. Ob eas
causas vt ad Guletam eius ore muni-
tissimam arcem classe venit, quā Cæ-
sar, cū primum in Africam traie-
cisset, pulsō fugatoq; Ænobarbo, ex-
pugnauerat, captoq; Tunete Muleiū
Hazeniū in regnum restituerat, cō-
uocatis Præfectis, & Ceturionibus,
atque in his Ludouico Perezio Var-
ga clarissimo ac fortissimo viro, qui
arci

arci præerat sententiam suam expo-
 suit, multaꝫue in eam dixit plena con-
 sily & prudentiæ: qui, cùm ei pluri-
 que assentirent, paucis contrà sentiē-
 tibus, concilium dimisit. At Garsias
 Toletus Petri Neapolitanorum Pro-
 regis filius, qui in Auria sententiam
 ierat, ipsum adit, hortatur, vt in sen-
 tentia perstet, pollicetur se Reipub.
 non defuturum: quin etiam si viginti
 quinque triremes sibi attribuuntur,
 Neapoli supplementum Hispanorum,
 comæatum, & omnia, quæ ad oppu-
 gnationem necessaria essent, trans-
 portaturum. Propterea quòd id, de
 quo Auria ad omnes retulisset, non
 ita difficile factu esse inquirendo re-
 periret: ad hæc intelligeret nō parui
 Cæsaris referre, Prædonē cōerceri:
 neque decere mare clausum esse: ad
 portus

portus & insulas aditum non pate-
re: delendam esse Christiano populo
banc maculam tot oppidis direptis
atque exustis susceptam: dandam
operam, ne plus detrimenti Respub-
lica caperet: id fieri non posse, ni-
si Aphrodisio expugnato, ne eò Dor-
gutes se recipere posset. Toleti sen-
tentiam Auria probat: quod of-
fert, libentissimè amplectitur, eum-
que dignissimis, vt par erat, laudi-
bus ornat, fidem, integritatem, a-
nimi que magnitudinem iam vsque à
maioribus partam, & cum maxi-
mo rerum vsu coniunctam pro con-
cione collaudat. Ad hæc Ferdinādū
Vegam Ioānis filium ornatissimum
Equitē, qui vnà cum Aluaro fratre
insigne virtutis specimē ad Monaste-
riū dederat, accersiri iubet. Quid To-
letus

letus promiserit, exponit, hortatur, ut in Siciliam ad Ioannem Vegam patrem literas perferat, eumque comonefaciat, ut pro dignitate sua Reipub. hoc tempore deesse nolit, rem perfacilem factu esse, neque se ambigere, si huic expeditioni ipse adsit, quin prosperum successum sit habitura. Præterea videret, quantum Cæsaris & Christianæ Reipub. interesset, oppidum illud pulso Prædone expugnari: quod si ita faciendum decerneret, etiam tum comparare inciperet, quæ ad tantam rem vsui fore cognosceret, nihil enim comparatum esse, Vegamque, ut huius consilij ignarum, summa apparatus omnium rerum inopia laborare Auria sciebat: propterea quòd, cum ipse classe Panbormum præterueheretur, certiorẽ eum fecerat,

nihil

nihil magis sibi in animo esse, nihil antiquius ducere, quàm eo anno Dorgutem bello persequi, atque ei occurrere, ac cum ipso decertare. Cum his mandatis Ferdinandum dimittit, is in Siciliam trajcit, ex literis, quid in animo Auria haberet, Vega percipit, & quid fieri oporteret, à Ferdinãdo filio admonetur. Quibus rebus Vega adductus Ioannem Osorium Quignonium custodiae suae Praefectũ ad Auriã mittit, vt ex eo, quid fieri vellet, certius cognosceret. Ille ad Larunesias insulas, quas Cunicularias vocat, passuũ viginti millia ab Aphrodisio ipsi occurrit, quid in mandatis à Vega haberet, exponit. Auria eadem, quae Ferdinãdo Vegae dixerat, repetit. His adiungit, se quàm auidissimè aduētum eius expectare, tantiq̃

C facere,

facere, vt sibi persuaserit omnia, si modo ipse intersit, ex sententia successura. Postremò orare, ne tātæ rei occasionem abire sineret : futurum vt conspectu, auctoritateq̃, tanti viri omnes incitarentur, & militum animi confirmarētur. Hæc cùm in mādatis Osorio dedisset, statuit viginti septem triremibus, quas tantummodo habebat, in Siciliã transmittere, vt præsens hac de re cum Vega ageret, quæres multū incōmodi nostris attulit. Nam hoc tempore onerariæ tres naues ab Alexandria vsque cum magno propugnatorū, & cōmeatuū numero Aphrodisium ingressæ fecerunt, vt non tam facile oppidum ab Hispanis expugnari posset. Auria simul atque Drepanum applicuit, statim Marcum Centurionem cum tribus

bus & viginti triremibus Panhor-
 mum misit, vt & cōmeatus hac classe
 supportaret, & Ioānem Vegam dum
 ipse vellet, deduceret. Qui cū intel-
 ligeret, quanti referret, ne Aphrodi-
 sium in potestate Dorgutis esset, non
 amplius sibi cunctandum existima-
 uit, quin confestim omnia ad profe-
 ctionem compararet. Itaque duabus
 nauibus re frumentaria, & commea-
 tibus onustis, & Ferdinando filio Si-
 ciliæ Proprætore relicto, cui manda-
 uit, vt magnum numerum eius panis
 quo nautæ vti solent ad vsus diutur-
 nitatem excocti, & pulueris tormen-
 tarij, & aliarum rerum, quas nostris
 vsui futuras intelligeret, conficien-
 dum curaret, vt si res vrgeret, om-
 nium copia suppeteret, triremes con-
 scendit, & ad quintū Cal. Iulij Dre-

panum prouectus *Auriam* simul & *Toletum* inuenit. Qui eo die *Neapoli* reuersus, septem *Hispanorum* cohortes, præter tormenta, puluerẽ, plumbum, materiam, & id genus alia aduexerat. Erant hi milites veterani, quorum opera & virtus multis varijsque bellis *Cæsari* explorata erat: quibus sub *Ferdinando Toletō* militum *Tribuno* præpositi erant *Ioãnes Mendocia*, *Bernardinus Corduba*, *Melchior Zumarraga Segouiensis*, *Alphonsus Pimentellus*, *Belcazar*, & *Brizenius*: his accedebant, qui sub *Ferdinando Lupo Tribuno* stipendijs merebant. *Aluarus Vega* & *Bernardus Solerius* duabus cohortibus præerant, quæ etiam ex *Siciliæ* præsidijs deductæ ad *Monasterium* pugnauerãt: quibus adiunctæ erant alie

aliæ duæ, quas Vega ex his militibus conscribi curauerat, qui plenis in Insubria & Neapoli cohortibus, in Siciliam, vt stipendia facerent, transierant: hos Ferdinandus Sylua & Petrus Acunia ducebant. His quindecim Hispanorum cohortibus adiecta fuerat cēturia vna Græcorum, quos eius gentis Centurio quidam vir fortis, permittente Vega, delectu habitu conscripserat. Erant extra ordinem ducenti milites ordinis Hierosolymitani, partim Germani & Hispani, partim Itali & Galli: neque alij sunt admissi, his exceptis, qui in triremibus merere solent. Omnibus rebus ad expeditionem constitutis nacti secundum ventum triremes conscendunt, quarum numerus erat quinquaginta trium. His nonnullæ Liburni-

DE APHRODISIO

*cæ & actuariæ cū tribus onerarijs ac-
 cesserant, ex quibus vna vino onusta
 ex portu eduçta fuerat. Hac classe in
 Æthusam, quæ nūc Fauiana appella-
 tur, delati Aphrodisium die tertio, is
 fuit ad sext. Cal. Iul, quo Drepano sol-
 uerāt, peruenerūt, cōuenitq̄ inter om-
 nis, vt postridie eius diei Vega mili-
 tes in terrā exponeret, dupliciq̄ acie
 īstruçta in oppidū cōtēderet, locūq̄ ca-
 stris idoneū deligeret: Auria verò re-
 bus maritimis præesset, easq̄ admini-
 straret. Postero die Vega, qui summā
 imperij pedestriū copiarū tenebat, mi-
 lites exponit, aciē īstruit, et in oppi-
 dū cōtēdit: dextrū cornū Toletus tene-
 bat, id ex veteranis erat, quos ex Nea-
 politano præsidio eduxerat. Sinistrū,
 cui Vega præerat, ex his cohortibus
 erat, quæ ex Insubria fuerant enoca-*

ta, atque ex Siciliae praesidijs deduc-
ta: claudebant agmen Hierosoly-
mitani milites excellenti virtute. Vbi
paulum processum esset, Vega aciem
consistere, milites eum locum vallo
fossaque munire iussit, in quem frus-
mentum, commeatus, & res bellicae
omnes ex classe educi, tutoque reponi
possent. Quod opus summa militum
alacritate ac studio quatuor hora-
rum interuallo perfectum est. Hic
Bernardo Solerio cum vna cohor-
te, vt ei munitioni praesidio esset, re-
lictò, rursus acies progredi, ac mon-
ticulum, qui ex aduerso erat, petere
coepit. Interea ex oppido ingens ho-
stium manus sese porta, de qua dictum
est, vt Hispanos munitione prohibe-
ret, effuderat. Hi cum militibus tor-
mentarijs, qui primum agmen praeci-
bant,

ibant, occurrerēt, leuia praelia cū eis
 facere cœperūt. Noſtri nihilo ſecius
 pugnando pergere, dū in mōticulum
 venirēt, qui aberat ab eo loco, quo ex
 triremibus egreſſi erāt, paulominus
 octingentis paſſibus: cui cū ad ia-
 ctum manualis tormēti appropinqua-
 rent, Vega, qui pedes ſimul cum Rho-
 diae claſſis præfecto in primam aciem
 proceſſerat, vidēs præliū redintegra-
 ri, oppidanos magno concurſu eò con-
 tēdere, ipsisq̄ animos adaugeri, Mo-
 rerele & Oſorio imperat, vt cū ducē-
 tis tormentarijs, quos ex eadē acie e-
 duxerat, ad mōticulū properè accur-
 rerent, locumq̄ caperent. Quo illi nul-
 lo negotio potiti ſunt, propterea quòd
 hoſtes magno impetu occurrentibus
 noſtris, ſeſe intra oppidū receperunt.
 Occupato monticulo ab his, quos Ve-

ga præmiserat, sine vlllo impedimento eò peruentum est, ibiq; castris positis, Toletus cum suis eam partē tenuit, quæ quàm maximè fieri potuit, oppido proxima erat: reliquum montis Vega hominibus armatis compleuit: id oppidani muralibus tormentis prohibere conati parum incommodi nostris intulerunt. Insequenti die milites castra munire, vallo fossaq; cingere, frumentum, cōmeatus, tormentaque & impedimenta ipsa, omnemq; bellicum apparatus ex triremibus educere magno studio curāt. Tri duo in ea re consumpto, quarto die Ludouicus Perezus Vargas cum ea trireme, quam Auria ad Guletā reliquerat, Aphrodisium venit: qui statim vt descēdit, oppidum explorare, locumq; deligere, vbi tormenta belli-

ca collocarentur, cōstituit. Dum hæc diligenter perspicit, eruptione ab opidanis facta, parum absuit, quin telo missili trāssigaretur. Sed Vega & Toletus, qui non longè aberant, suppetias ferentibus, incolumis in castra reuertitur, nōnullis tamē ex nostris fauciatis, in his Belcazare Ceturione globulo tormentario, qui ex vulnere paucis post diebus interiit. Postero die Vega sub noctem bellica tormenta duplici ordine collocari iubet, altero decem & nouē ingentia in editiore loco, qui aberat à muro circiter quadringentos passus: altero octo minora, passibus paulò minus trecētis. Laudandum fuit hoc tempore singulare militum studium, qui cūm paucos haberēt calones & seruos, ijs perinde ac vicarij succedebant, eorumq̄.

rumq̄ parteis ita suscipiebant, vt nec interdiu, nec noctu ab opere cessarēt: tantumq̄ labore & industria sua ef- ficerent, vt perfectis munitiōibus, milites non plus centū passibus à mu- ro commodè tutoq̄, in stationibus es- sent, nihilq̄ à manualibus tormentis, quorum magna vis in oppido erat, ti- merēt. Dum hæc ab Hispanis fiunt, hostes ex oppido erumpunt, et ad mu- nitiones vsq̄ progressi coniectis telis, perpaucos ex his, qui operi erāt desti- nati, vulnerāt, seq̄ ad suos recipiunt: rursus breui interiecto spacio, ma- gno concursu irruunt, sed fortissimè à nostris propulsi, multis eorum inter- feclis & saucijs, in his quodam Tur- ca, qui & virtutis & generis sum- ma nobilitate cæteris præstabat, se aliquot dies oppido continent. Eo- dem

dem die, quod memoriæ prodere dignissimum est visum, Miles quidam Hispanus insignem laudem retulit: qui soluto tormento, quo manu utebatur, vnde milites tormentarios vocamus, Turcarum insolentiam & audaciã nō ferens, districto gladio, sportula sinistra manu pro clypeo arrepta ex munitionibus desiluit, atque in eã partem, quæ cōfertissima visa est, irrupit, tãtoq̃ impetu hostes inuasit, vt terga vertere, cō pluribusq̃ vulneratis, ipsos regredi, quæ exierāt, cōpulerit: incolumisq̃, altero tamē fœmore leuiter saucio, in castra reuersus, à Vega est collaudatus, dupliciã stipendio, aureisq̃ue donis amplissimè donatus. Interea dū hæc leuia certamina fierēt, cōplures globi in murū cōiiciēbātur, partim his tormētis, quæ in edi
 tiore

tiore loco, partim alijs, quæ propius ab oppido disposita erant. Quin Hispani milites, cum in agros excurre-
rent, quotidianis penè prælijs cum Arabibus decertabant, neque ea inter-
miserunt, donec de ineunda societate cum Cidiarfe agi cœptum est. Cuius pater, cum quædam de Machometana secta, siue potius impia fraude im-
mutasset, nonnullaq; inuenisset, atque in ea instituisset, regnum in ciuitate sua occuparat, omninoq; à Tunetensibus, sub quorum erat imperio, defe-
cerat. At Cidiarfes, defuncto iam patre, potentior factus, vt sunt mortaliū res, se eius ciuitatis, quæ Carruanum dicitur, Regem appellauit, ha-
buitq; tunc sub signis cum Aphrodisiū obsideretur, ad quindecim Arabum millia. Neq; parū momēti ad eā

rem

rē, vt is cū nostris fœdus percuteret,
 Mulæi Hazeny Tunetensium Regis
 aduentus fuit, qui à filio effossis ocu-
 lis, regno pulsus in Germaniã ad Cæ-
 sarē confugerat, atq; inde in Siciliam
 ad Vegã missus cū eo Aphrodisiū ve-
 nerat. Vargas etiam Hametum Ha-
 zenium Regis filium, & Xarifum
 Maurum spectat. & inter suos fidei, et
 summæ auctoritatis hominē ex Gu-
 letana arce adduxerat. Qui cum Ci-
 diarfe ita prudenter egit, vt magno
 nostris emolumēto fuerit. Nam octa-
 uo die, quo Cæsarea classis Aphrodisi-
 um appulsa est, circiter bis mille &
 quingenti Arabes Tunetis, & Car-
 ruani Regum socij in castra vene-
 runt, pecoreq; & alijs com meatibus
 nostros iuuerunt, quorum præfectis
 Vega magnam copiam frumenti, vt
 inter

inter suos distribueretur, metiri iussit. Qui cum id esset anni tempus, quo frumentum cōquirere, cōemereq̄ solēt, & quod natura leues, fideq̄ parū integra sunt, decē dies in castris cōmorati, ne vlla quidē sui reddita ratione, discesserūt. Interim Mauri, qui erant in agris, cū nostris, quoties lignatū irēt, leuibus praelijs cōtēdebāt: sed parum, nisi nautis, & calonibus officiebāt, atq̄ adeò his, qui temerè castris excedebāt. Fiebat autem lignatio ex vetere oliueto crebris arboribus cōdēso, quod à castris paulò plus mille passuū aberat. Sub idē tempus Mulæius Hazenius Tunetensiuū Rex in grauē incidēs morbū deceßit: cuius corpus postē ad sepulturā Cidiarfe Carruanū à Vega missū regia pōpa elatū est, atq̄ in fano ex ritu patrio repositum.

Quinque

Quinque etiam triremes, quas supra
 commemoravi, Neapoli reuersæ tan-
 tum cohortem vnam Hispanorū, cui
 præfectus erat Oribela Valentinus,
 & ea, quæ ad conficiendum tormen-
 tarium puluerem erant necessaria,
 transuexerunt. Cigala verò Genuen-
 sis, qui sub Cæsare merebat, ex Gule-
 tana arcē, ad quam cum duabus trire-
 mibus missus fuerat, tormenta qua-
 tuor bellica, & magnū numerum tor-
 mentarij pulueris, & globorum sup-
 portarat. His rebus effectum est, vt
 oppugnatio redintegraretur, longèq̃
 maior globorum vis in murum emit-
 teretur. Sed nec ita res ex sententia
 successit, etiam si nostri continuos o-
 cto dies à concutiendis muris nunquā
 destitissent, eò quòd firmiores essent,
 quàm ab initio oppugnationis arbi-
 trati

trati fuerant, ita calce ac cæmentis, aliaque peruetere materia extructi, vt dictu haud facile sit, quàm laboriosa difficilisq; eorū demolitio esset. Erat magno nostris impedimēto murus, qui altitudine dūodecim pedum, quinque & viginti passus in longitudinem ab altero aberat, quem interiore dixeramus. Hoc autem spaciū, quod ab vno ad alterum murum pertinebat, diligentissimè à Turcis asseruabatur, maximeq; communiebatur, perducta inter vtrunq; vt supra demonstratum est, altissima fossa, adiectis etiam à lateribus propugnaculis: quò fiebat, vt arduus ascensus esset, neminiq; ad irrumpendum nisi summo cum uitæ discrimine pateret. Dum hæc vtrobiq; geruntur, ex duobus perfugis, quorum alter ex

D. Guleta

Guleta metu Vargæ profugerat, ne perfidiæ, quòd à Christiana religione defecerat, pœnas lueret, cognitū est oppidanos sedulò operam dare, totòque animo, totisq; viribus adniti, vt murum, qui bellicis tormentis discutiebatur, aggeribus, fossisq; introrsus munirent: omnem ætatem, omnem sexum laborare, ad id incumbere: quicquid interdium deiceretur, de nocte expurgare, ac reficere: nullum à labore tēpus intermittere, quò paratiores, firmioresq; in hosteis essent. Postremò centum & quinquaginta Turcas & Mauros in ipso pomerio, occlusa oppidi porta in armis excubare. Hoc cum Vegæ renūciatū esset, conuocato concilio, quid ex perfugis comperisset, proponit. Nonnulli, quorum prudentia, rei que bellicæ

vsus

vsus erat singularis, irrumpendum
 non esse existimabant, quòd ea pars,
 qua nonnihil muri deiectum erat, dif-
 ficili arduoq; ascensu esset, neque de-
 cere, nisi summa vis adigeret, milites
 periculis offerri, neq; eorum sanguine
 abuti debere, qui maxima cum laude
 tot bella Cæsari confecissent: satius
 securiusq; esse sexcentos milites in po-
 mærium irruptionem facere, ac si fie-
 ri posset, ad internecionem excubito-
 res cedere, scalisq; muro admotis, eã
 turrim, quæ à latere sinistro in occi-
 dentẽ solẽ spectat, occupare: cuius bo-
 na pars frequentibus tormentis diru-
 ta iam esset, videreturque omnino ab
 oppidanis destituta, quòd nulli tor-
 mentarij globi ex illa, sicuti ex alijs
 in castra emitterentur, neque vlli in
 ea propugnatores, vt antea, appare-

D ij rent.

rent. Quòd et si magna ex parte his assensum est, tamen non defuerunt, qui sentirent non esse hæc simul aggre-
dienda: eos magnū discrimen sub-
ituros, qui occisis pomærij custodi-
bus demolitionem etiam muri perspi-
cerent: periculum esse, ne si irruptio
noctu fieret, pessimè nostris cederet.

At Vargas, qui scientia militari lon-
go bellorū vsu parta clarissimus ha-
bebatur, censuit sub quartam vigi-
liam irruendum esse, idque multò tu-
tius commodiusque fore, multis ma-
gnisq; argumentis persuasit. In cuius
sententiã, cùm ab omnibus itum es-
set, Vega statuit, vt tres signiferi cū
trecentis militibus absq; signis pomæ-
rium irrumperent, excubitoresq; iu-
gulandos curarent, & Zumarraga
vir manu promptus, cum quinquaginta

gintā ex suis murum, qui globis tormentarijs concussus fuerat, interim exploraret. Pimentellus verò cum ea cohorte, quam ducebat, simul cum illis impetu factò, scalis muro admotis, eam turrim, de qua paulò ante dictū est, caperet: sed hæc res à nostris frustra tentata infelicem exitum habuit. Nā ab his, qui in statione erāt, fortissimè sunt repulsi quinque ex nostris interfectis in his Brizenij Centurionis signifero, & vno aut altero capto: longèque maius incōmodum acceptum fuisset, nisi milites, signo recipiendi dato, constitissent, seque in castra contulissent: vsque eò fossa & propugnaculis intra pomerium Turcæ cōmuniti erant, vt nulla vi per-rumpi possent. Qui abscissis hostium capitibus, & in hastis suffixis super

D iij muro,

muro, vt è castris conspiceretur, trophæum ex eis statuerunt. Posteaquã Vega murum adeò munitum, ascensuque perdifficilem esse vidit, neque oportere eò irruptionem facere, ac nihil earum rerum superare, quæ ex Neapoli, Siciliaq; & Guleta ad discutienda demoliendaq; mœnia deportata fuerãt, constituit, vt sine mora Antonius Auria vir & consilij magni & auctoritatis in Siciliam cum decem triremibus trajiceret, diligenterque operam daret, vt ex edicto, quod ipse iam præmiserat, magnum numerum commeatus, & bellicarum rerum ex ciuitatibus, oppidis, arcibusq; munitissimis cogeret, atque his in vnum locum contractis, & in triremes impositis, quàm celerrimè Aphrodisium renauigaret. Quod ab eo

non minore cura, ac diligentia, quàm prudentia præstitum est. Nam præter id, quod ipsi impositum fuerat, cohortē etiam vnam Hispanorum adduxit, quam Ioannes Guzmānus ex Ferdinandi Vegæ Proprætoris sententia conscripserat. Marcus etiam Centurio, cum alijs decem triremibus ab Auriā Genuam est missus, vt ex Insubria supplementum, puluerem, glandes tormentarias asportaret. Id cum ex Auriæ literis intellexisset Ferdinandus Gōzaga Princeps Molphetanus rerum gestarum gloria, & generis splendore illustris, & maximus Insubrum Præfectus, quiq; in reliqua Italia summam imperij militaris tenebat, iussit tres Hispanorum cohortes, quibus Hieronymus Maricus, Solizius, & Antonius More-

nus præpositi erant, triremes cōscen-
 dere, adiuncta etiā ea cohorte, quam
 postea Vega Gaspari Guzmanio du-
 cendam dedit. A Genua & Luca,
 itemq̄ Florentia ingens pulueris tor-
 mentarij, ac reliqui apparatus belli-
 ci vis aduecta est. Interim ex Sicilia
 cōmeatus, ligna, & cætera materia,
 quarum rerū vsus nostris plurimum
 cōtulit cū in muniendis castris, tum
 in machinis faciendis solo præsertim
 sabuloso, nauibus onerarijs supporta-
 batur. Antonio Auria & Centurio-
 ne profectis Vega à Cidiarse certior
 factus Dorgutem pedestribus copijs
 oppidanis subsidio venire castra con-
 trahit, multoq̄ angustiora facit, val-
 lis & aggeribus cōmunit, campestria
 tormenta in his disponit, perducta ab
 ea parte fossa, quæ sub monte in occi-
 dentem

dentem solem spectat, quã etiam ipse obtinebat, patebatq; in latitudinem sexcetos passus: frons verò, quæ è regione oppidi erat, paulò plus ducetos: totidẽ vtrunque latus, quod mare cõplectebatur, in longitudinẽ habebat. Toletus id loci, quem ipse cum suis in planitie tenebat, quiq; à frontis vallo, vbi milites in statione erant, nõ amplius quadraginta passus aberat, intra quem etiã tormenta bellica, quibus globi in murũ emittebantur, suis quæque cratibus & loricis collocata erãt, tribus ex partibus vallo & fossa in spiræ speciẽ circumduxerat: reliqua verò pars à mari, quæ ad Meridiẽ vergit, patebat. Erat oliuetũ, vt suprã demonstrauimus, ex quo lignatio fiebat, & magnũ vsum ad eas munitiones cõficiendas nostris suppedi-

D v tabat,

tabat, non procul à castris, sed nihilo
 minus leuia prælia inter lignandum
 conferebantur: quòd Mauri ligna-
 tione Hispanos prohibere conaren-
 tur. Quibus vndique concurrētibus,
 & nostris ad vndeci. Cal. Aug. ligna-
 tionem facientibus, acrius vtrinque
 quàm superioribus diebus pugnatum
 est. In eo prælio Alvarus Vega, cum
 ab acie simul cum aliquot tormenta-
 rijs militibus cupidius hostes infecu-
 tus aliquantū processisset, in summū
 discrimen venit: in quem si frequen-
 tes hostes irruiisset, ne subueniri qui-
 dem ei ab his, qui in primo agmine e-
 rant, nedum ab alijs potuisset. Quod
 ægreferēs Vega pater, grauiterq; fi-
 lio succensens statuit primo quoque
 tempore vnà cum militibus lignatum
 ire. Is dies erat Iacobo Apostolo Hi-
 spanorum

spanorum Præsidi sacer, quo necesse
erat aggeris petendi causa in oliuetū
ire, quo etiam die multo maior nume-
rus peditatus & equitatus hostiū in
agris, quàm proximis diebus fuerat
visus. Id cūm Vegæ nunciatum esset,
tres cohortes ex castris producit, &
quia admodum erāt diminutæ, quòd
vulneribus, & morbo complures im-
pedirentur, ex alijs supplendas sibi
existimauit. Erāt milites numero cir-
citer octingēti, his adiungit calones,
& ad septuaginta Siculos, qui extra
ordinem militabant, eos Vega conue-
nire iusserat, vt castris, cūm resposce-
ret, vsui essent. His constitutis Gar-
siam Toletum cum reliquis cohorti-
bus præsidio castris relinquit, acieq̃
instructa, & Siculis, vt calones sub-
leuarēt, sine armis subsequi iussis in
oliuetū

oliuetum cōtendit. Claudebant aciem ab utroque latere aliquot tormentariorum manipuli. Ac cū iam in conspectum oliueti cohortes leniter uerent, hostes se ostendere, sub primum agmen succedere, nostrosq; p̄ælio lacessere cœperunt. Vega milites cohortatus, ut hostium impetum fortiter sustinerent, pugnandoq; iter facerēt, cōmittendi p̄ælij signum dedit. Mauri paulatim cedere, nostrosq; eò, ubi collocatæ erant insidiæ, ut circūuentos aggredierentur, elicere ac protrahere. Et cū nō longius ab oliueto, q̄ quo telum adijci posset, abessent, Vargas, qui eo die dextro cornui p̄æerat, cupiditate Mauros insequendi ductus cum tormentarijs, qui in eo erant latere, plus quàm oportuit, processit. Sed illi identidem in oliuetum

ad

ad suos se recipere, & rursus in nostros impetum facere. Cùm eò peruentum esset, ingressis nostris, ac caloniibus, & Siculis ramos succidere, et ab opere, ne in ipsa quidē pugna desistere à Vega iussis, subito hostes ex valle, quæ ab oliueto centū quinquaginta passus aberat, vbi abditi latebant, omnibus copijs prouolarunt ad numerū quinquies mille Turcarū & Maurorū: ex quibus, vt ex Rhuspensibus postea cōpertum est, octingenti erant tormentarij, ac sagittarij, & equites ducenti, qui confertissimo agmine nostros ab vtroque latere aggressi, cùm primum cōtinenti glandium emissionē excepti fuissent, paulum constiterunt: deinde vnà cum equitatu aperto latere magis magisque instare, ac cohortes circumuenire cœperunt. Et
quàmuis

quàmuis fortissimè nostri hostibus resistèrent, impetumq̄ sustinerèt, tamen quòd ea pars ijs tormentarijs esset nudata, quos Vargas eduxerat, maximè premebantur. At hi quorum virtutis opinio erat singularis, aduersis hostibus occurrebant, suisq̄ presidio erant, ac fortissimè cadebant. Vega cùm à sinistro cornu milites esset cohortatus, ad dextrum incredibili celeritàte decurrit. Illic enim milites vrgeri, penè circumuentos teneri, cursu ac lassitudine ferè exanimatos, vulneribusq̄ confectos: & Palomarium Ferdinandi Lupi Tribuni signiferum cum alijs septem fortissimis viris interfectū, remq̄ propè conclamata esse audierat. Ibi vt vidit hostes eò acrius instare, ac concurrere, quòd quasi partem iam & exploratam

ratam victoriã putarent, cum ea armorum manu, quam custodiæ causa ducebat, ita Turcarũ vim represensit, vt milites sese colligere, ac pro se quisque in conspectu ducis, redintegrato animo strenuè operam nauare, impetumq; hostium non solum sustinere, sed retardare etiam, signaque inferre cœperint. His receptis atque animo confirmatis, dextroq; in latere collocatis Vega rursus in sinistrum cum suis aduolat, id compluribus tormentarijs cõmunit, hostes pellic, multisq; cõcisis, aggerẽ, quẽ ipsi fecerãt, capit. Ibi nonnullos tormentarios disponit, vt tutius in hosteis tela cõijcerent, reliquos in prima acie collocat. Ac prælio sic renouato tanta vtrinq; tormentariorum, & sagittariorum cõtentione pugnatum est, vt
ad

ad interuallum vnius horæ ab emit-
tendis vltro citroq; glandibus nunq̄
sit cessatum. Eodẽ tempore Vargas,
qui tormentariorum opera impetum
hostiũ à læuo cornu represserat, pro-
pterea quòd nostros maximè vrge-
bant, dum eis ad dextrum laboranti-
bus subsidio venire accelerat, fini-
stro latere tormentaria glande tra-
iecto cecidit, receptusq; à suis, atq; in
castra delatus vniuersum exercitum
multo mœrore affecit, magnumq; sui
desiderium reliquit. Fuit certè ma-
ximo nostris incõmodo tanti viri &
quidẽ fortissimi, ac rei militaris perĩ-
tissimi amissio. Interim dum pugna-
batur, calones & Siculi magnam ma-
teriæ copiam succiderant, neque enim
hac re ab hostibus prohiberi vnq̄ po-
tuerunt, tanta fuit & ducis virtus,
atque

atque animi præsentia, & militũ ro-
bur, vt eodem tempore simul pugna-
rent, & lignationem tuto fieri cura-
rent. Interea oppidani non eorum ig-
nari, quæ ad oliuetum gerebãtur, ex
oppido erũpunt, in castra prouolant,
ad munitiones accedunt, & tela in no-
stros conijciunt. Toletus milites ad
arma concurrere, vallum conscende-
re, ac complures globos bellicis tor-
mentis in hostes emitti iubet, qui ce-
leriter in oppidum reiecti tantum de-
trimenti acceperunt, vt ab eo die nul-
lis vnquam postea copijs eruptionem
in castra facere tentarint. Vega, in-
terfecto ab hostibus Varga, qui stre-
nuè ipsi operam nauarat, magnoq; au-
xilio fuerat, nulla in re deesse, omnia
obire, & quid quoq; loco faciendum
esset, providere, & ducis in cohortã-

E dis

dis militibus, & in pugnando militi
officiâ præstare, nullû tēpus intermit
tere, vt cōmuni omnium salutî pro
spiceret: præmissisq̃ue calonibus, &
Siculis cum ea materia, quæ, cūm di
micaretur, succisa fuerat, acie instru
cta, nouissimoq̃ agmine tormentarijs
communito, at que pro his quibus tor
mentarius puluis & glandes deerāt,
alijs suppletis, in castra reuerti cœ
pit. Hostes verò insolentius auda
ciusq̃ concurrere, nostros ex nouissi
mo agmine premere, sublatisq̃ clamo
ribus insequi. At Vega à prælio mili
tes continere, ac satis habere, Turcis
Maurisque resistere, assiduaq̃ glan
dium emissionē impetum eorum fero
ciamq̃ comprimere. Interea Tole
tus cum ex calonibus & Siculis, qui
materiam supportauerāt, cognouisset,
set,

set, quo in loco res esset, quantoque in periculo & cohortes, & dux versaretur, nihil ad celeritatem sibi reliqui faciendum duxit: sed cum expedita armatorum manu ad medium iter militibus occurrens non parum eos subleuauit, eò quòd tunc ab hostibus maximè premerentur. Et quanquã eius aduentu subsistere, ac se recipere hostes visi sunt: nihilo tamen secius, quòd per pauci essent milites, qui iam tormentis vti possent, cum tormentarius puluis, & glãdes omnino deficeret, rursus instare, atq; eos, qui in nouissimo agmine erant, vrgere, cum his decertare magnisq; vociferationibus ad vallũ vsq; procurrere. Sed à tormentarijs propulsi, qui præsidio castris erant relictĩ, pedẽ retulerunt, atq; illò vnde egressi fuerat, magno cũ detri-

E ij mento

mento reuerterunt. *Ei prælio Dorgutē interfuisse, ac cum duobus præfectis septuaginta Turcas circiter ducentis vulneratis amisisse, atq; in Meningem se contulisse ex his cognitum est, qui triduo, quo prælium est commissum Carruano venerūt. Quæ ciuitas est in mediterraneis posita, ac totius Africæ longè maxima opulentissimaque præter Tuneta eius Proinciæ principem, abestq; ab Aphrodisio millia fermè passuum triginta sex. Tum etiam illi nostris nunciauerunt equum Dorgutis fuisse in pugna vulneratum, sarcinasq; & impedimēta ab ijs in itinere direpta, quos ipse à Rhuspis, quas nunc Alfaques appellant, in auxilium euocarat. Eo die ex nostris non minus triginta sauciati, & quatuordecim occisi sunt.*

Vega

Vega etiã cuius singularis opera, prudentia, & excellens virtus, itemque rei militaris sciëntia cùm in alijs, tum hoc potissimùm prælio enituit, nostrisque subsidio ac saluti fuit, leue vulnus in altero pede accepit. Quo duce Hispani milites, suprã quàm dici potest, si vnquàm aliàs eo die depugnauerunt, exiguisque copijs ingentem hostium numerum non modò fortissimè sustinuerunt, sed compluribus etiam concisis propulerunt, factaque lignatione paucis ex suis desideratis incolumes in castra redierunt. Hoc prælio factò Dorgutes magnam iacturam dignitatis & honoris fecit: multum etiam de existimatione sua, qua plurimùm cùm apud alios, tum maxime apud Cidiarsẽ Regẽ valebat, deperdidit. Qui statim vt rescie-

uit ipsum ab Hispanis fortissimè ac
 cerrimèque, magnis etiam illatis de-
 trimentis, reiectum fuisse, nihil anti-
 quius habuit, quàm vt per legatos
 fœdus cum eis iceret. Qua re facilè
 impetrata sedulò operã dedit, vt pe-
 core atque alijs cibarijs exercitus a-
 bundaret, atque ex vicis finitimis &
 agris, quibus ipse imperabat (latè e-
 nim iam illo tempore non solum in ci-
 uitate sua, sed etiam in Byzacio, quã
 regionem tenuerunt olim Libyphœ-
 nices, dominabatur) meleagrides, o-
 ua, caryotides, & id genus alia in ca-
 stris deportarentur: quam rem Mau-
 ri summa cum celeritate exequen-
 tur. Nam præterquã quòd ex animi
 sententia omnia illis dependebantur,
 nonnihil etiam eius panis, quo nautæ
 vtuntur, vt famem, qua tunc ea pro-
 uincia

uincia maximè laborabat, tolerare possent, reportabant. Quæ res cogebat magnam barbarorum turbã, vt aliquid à nostris extorquerent, in castra confluere. Intere à Vega dum triremes expectat, nihil non mouet, omnia tentat, cuniculos vineasq̃, vt pomærio Turcas depellat, agi præcipit. Sed cùm Ferramolinus architectus, & machinator excellens cuniculos iam prope pomærium egisset, tormentaria glande secundum frõtem ictus fecit, scaturiente etiam in aperiendis cuniculis magna aquarum vi, ne longius procederetur. Itaque cùm cuniculi eo interfecto minus succederent, & in concutiendis mœnibus à continenti parum proficeret, quòd ibi muri essent q̃ munitissimi, visum est Vegæ eam rem à mari tētare ac periculi-

E iij tari.

tari. Id etiam si *Auria* & *Toletus* probarent, tamen perdifficile factu eis videbatur, præcipuè cum triremes ad eum locum constitui non possent, unde commodè in murum globi emitterentur, quòd illic mare brevibus esset impeditum: quòd si id fieri posset, tamen tormentis muralibus multum incommodi nostris illatum iri, quorum tantus postq̃ pomærium irruerant, timor inceserat, ut ea studiosè diligenterq̃ vitarent. Prætereà in hanc sententiam omnes venerant, ut existimarent perquam difficile, parumque firmum fore, murum ex triremibus tormentis concuti, neque id posse commodum aditum ad irruptionem facere. In tãta rerum difficultate *Toleto* ea machina in mentem venit, qua olim ad *Messanam* in ludicro

*ludicro certamine nauali vsus fue-
 rat. Itaq; non amplius sibi cunctandū
 duxit, quin euestigio periculum face-
 ret. Huius machinationis hæc fuit
 ratio, duplices triremes, malis & ar-
 mamentis remotis, à lateribus cōiun-
 gebat, & è regione muri collocabat,
 quaternisq; anchoris ex angulis, ne
 fluctibus moueretur, distinebat. Eas
 firmo ac perualido tabulato contegi
 iubet, vt octo bellica tormenta maio-
 ra sustinere commodè possent. Hæc
 ad latus quod cōtra murum erat, di-
 sponit, cratesq; & pluteos à puppi ad
 proram inter aggeres sic addit, vt è
 tormentarijs fenestris, quas instruen-
 do reliquerat, tuto globi tormentis
 ipsis conijceretur, & triremes simul
 cum machinatione facilè agi, eoq; ap-
 propinquare quò ipse vellet, possent.*

E v Quod

DE APHRODISIO

Quod herclè opus nostri merito admirati, ac summis laudibus, vt par erat, profecuti in maximam certissimamque oppidi capiendi spem venerunt. Quam re Garsias Toletus, vt in cæteris, quæ in expugnâdo Aphrodisio acciderunt, incredibili celeritate vsus demōstrauit, quantum dexteritate & animi magnitudine, atq; rei bellicæ scientia polleret. Per idem ferè tempus Antonius Auria ex Sicilia reuersus tantam commeatuum, et bellicarum rerum copiã triremibus conuexit, vt continuo Vega globos in murum tormentis mitti animum induxerit. Itaq; omnibus rebus interuallo sex dierũ, quæ ad oppugnationem vsui erant, cõparatis, duo & viginti tormenta maiora circiter ducẽtos passus à muro, atq; alia paulò longius

gius ad deturbandos hosteis ex propugnaculis collocat. His sic dispositis Andronicū Spinosam, qui multo vsu & peritia rei tormentariæ cæteris antecellebat, quem etiam ex Sicilia euocauerat, præficit: huic Franciscū Biuerum adiungit, qui quatiēdis antea mœnibus operā nauarat. Ac quinto Cal. Septemb. eā turrim, quæ à mari ad portam erat, quæq; in occasum solis & austrum spectat, atque alteram à terra huic proximā tanta tormentorum vi quati iubet, vt eo die vtraque turris cum muro deturbari viderentur. Sed ea firmitudine erāt, vt parum his noceri potuerit, quāuis continenter vndecim dies tormentis concussæ fuerint; atque in eam tantummodo turrim, quam ad occasum solis & austrum positam diximus, quatuor

quatuor millia, & octingenti globi
 emissi, in alias verò ac mœnia, donec
 oppidū captum fuit, ad septies mille.
 Verūm ea oppidanorum cura erat, vt
 quantum nostrī foris concuterent, ac
 deicerent: tantum illi introrsus ful-
 cirent & reficerent. Quo fiebat, vt
 nullus irruptioni locus esset, & oppi-
 dani ex muro nostros irridere, ac con-
 tumelys probrisq; vexare non desi-
 nerent. Tertio die, quo tormentis glo-
 bi in murum cōijciebantur, Marcus
 Centurio cum triremibus ab Liguria
 reuersus maxima nostros lætitia af-
 fecit, propterea quòd Alphōsum Cue-
 nā nobilissimum & fortissimum E-
 quitē, qui in locum Vargæ suffectus
 erat, cum mille Hispanis militibus
 & quidem electissimis, ac magno cō-
 meatuum, & aliarum rerum numero
 quæ

quæ ad bellum vsui esse solent, sup-
portauit. Interea milites, dum mœnia
quaterentur, lignationis & munitio-
nis causa in oliuetum ibant, crebrisq̃
prælijs cū Mauris, qui erāt in agris,
decertabāt. Sed nihil ad id, quod octa-
uo Cal. Aug. fuerat summa conten-
tione cum Dorgute factum. Erat
inter Mauros quidam ex his præ-
fectis, qui fines Aphrodisij contin-
gunt, homo singularis audaciæ ac vir-
tutis, is equo albo, iuba & cauda ver-
sicolore aduehebatur, eumq̃ triginta
pedites, & octo equites sequebātur,
cum his nostros, dum in oliuetū irēt,
leuibus certaminibus crebro laceffe-
bat, nec deerat illi fortunæ successus.
Accidit autem, vt Iordanus Vrsinus
Florentinarū triremium præfectus,
qui in castris apud Toletum erat, ex-
peditus

peditus in equo, cum alijs quatuor e-
 quitibus Florentinis euntes in oliuē-
 tum nostros subsequeretur. Hi ligna-
 tione facta in castra redeunt, & cum
 paulū ab oliueto progredērētur, Mau-
 rus, qui in insidijs erat, Ursinum au-
 cupio intentum aggreditur, lanceaꝫ
 infesta medium eius brachiū magnis
 viribus traicit, idꝫ tāta celeritate,
 vt manuali tormento vti ille nequi-
 ret, ac priusquā sui ei opem ferrēt,
 equo decideret, equumꝫ amitteret,
 quem postea Mauri suffossū reli-
 querunt. Hæc memoriæ proderē vi-
 sum est, vt externi homines intelli-
 gant, non cum ignaua gente bellum
 esse gestū: alit enim Africa viros
 & quidem fortissimos. Vbi nouē die-
 bus tātum mūri deiectū esset, quan-
 tum ad irrumpendum satis esse vide-
 deretur

deretur, Toletus triremes, quæ machinationem sustinebant, promoueri, ibiq; constitui iubet, vnde tormentis globi, quàm proximè in eam partem muri iacerentur, quæ pridie eius diei à continente fuerat deturbata. Cùm enim militibus eò irrumpèdum esset, quàm bellicis tormentis murus et turres erant aliquantum dirutæ, necesse erat alterum alteri auxilio esse, mutuoq; inter se omnes iuuare. Postero die oppidani non nescij quantum periculi ex nauali machinatione, vnde tormentis discuti muricæperant, immineret, vehemèter contenderūt, vt eam muralibus tormentis perirent ac disturbarèt: quod certè ex sententia successisset, nisi Vega & Toletus quàm celerrimè triremes in breuia agi, carinasque figi vadis curassent.

rassent. Ex quo effectū est, ne eo die amplius quatuor tormentis muri concuterentur, reliquis ab oppidanis continenti muralium tormentorum coniectione deturbatis, nonnullisq; nautis occisis, ac cæteris tanto timore percussis, ut non modò rem tormentariã nemo gerere, sed ne ad ipsa quidẽ tormenta propius accedere auderet, quin etiam cuncti ea deserere, atque omnẽ concutiendi muri curam abijcere omnino vellent. Id repentino accepto incommodo accidere cùm Vegam non fugeret, Orihelam Valentinum cum quinquaginta militibus tormētarijs eò misit, ut perterritos nautas animo confirmaret, ne susceptum officium desererent. Qui ea nocte ita perrupta refici, ac bellica tormenta disponi curavit, ut insequenti die quinque maioribus

ioribus tormentis è machinatione, ac tribus ex ora maris tantum muri illi demoliti sunt, quantũ irruptioni sufficere visum est. Cũ verò vna esset omnium sententia, vt euestigio irruptio fieret, solus Vega eam in posterum diem differendam censuit: cuius consilium postea euentus comprobauit. Ex classe autem per quã difficilis & incerta erat globorum coniectio. Nam cũ triremes longius propter breuia à muro cõstitutæ essent, tormentarij globi oppidum transuolabant, & triremes ipsæ vehementer afflictabantur. Ex quibus vna Toleti & quidem primaria, itemq; altera Cigalæ Genuensis penè suppressæ, ac nonnulli ex nautis vubnerati atq; interfecti sunt. Postridie eius diei manè Auria conuocatis triremiũ Præ-

F fectis

fectis quid fieri vellet, ostendit, mo-
nuitq̄, ne quem ex classe in terrã ex-
poni permitterent, atque vt dato ex
trireme prætoria signo, quàm celeri
motu oppidum eo die triremibus cin-
gerent. Is dies erat ad quart. Idu. Se-
ptemb. nostris lōgè gratissimus. Quo
item die Vega cohortes ex castris e-
ducit, atque eas hoc ordine ad irrum-
pendum instruit. Ferdinandum To-
letũ Tribunum cum tribus ex Nea-
politano præsidio cohortibus, toti-
demq̄ ex ijs, quas Didacus Ferdinan-
dus Morerela, Antonius Morenus,
& Aluarus Vega ducebant, in eam
partem muri, quæ proximis diebus à
continenti deiecta fuerat, irrumperere
iubet. A mari verò Ferdinãdum Lu-
pum Tribunum simul cum militibus
ex Malæspinæ præsidio in id impetũ
facere.

facere, quod è nauali machinatione pridie fuerat deturbatum. His adiungit cohortes duas, quibus Solizius et Hieronymus Manricus præerant, totidemq̄ euocatorum ex Neapolitano præsidio. Reliquas ex his duas, pariter & eas, quarum ordines Gaspar Guzmānus & Amadorius ducebāt, in eam turrim irruptionē facere imperat, quæ à sinistro latere ad portā erat, cuius pars quædam diruta fuerat, cū primum Aphrodisium bellicis tormentis quati cœpisset. Hierosolymitanis militibus permissum est, vt quò vellent, eò signum inferrent, atque impetum facerēt. Cohortes autem, quibus Ferdinandus Sylua, Rodericus Paganus, & Petrus Acunia præpositi erant, in omnes casus paratas, atque tormentis bellicis præsidio

esse voluit, his Siculos, de quibus supra dictum est, adiecit. Postremo Ioannem Guzmánum & Solerium cum duabus cohortibus praesidio castris reliquit, adiuncta etiam Graecorum centuria. Alvaro Vegæ præcepit, ut dispositis speculatoribus diligenter curaret, ne quid oppidanis subsidij ex agris mitteretur. Ac si qua hostium manus aduentare, adesseque videretur, ne quae eius aduentus significatio fieret, aut ullum signum tuba dari, aut ad arma concclamari permetteret, sed per nuncios ea de re se certiore quam celerrime faceret. Atque in eo aggere, qui pro castris erat, quinquaginta tormentarios milites ex his, qui praesidio castris erant relictis, collocaret. Et ut singulis bellicis tormentis binos milites, qui rei tormentariae essent

sent

sent periti, præponeret, vt si qui ho-
stes irruerent, facilè ab his propelle-
rentur. Rebus sic constitutis, atq; om-
nibus, quæ ad irruptionem pertine-
rent, administratis, cum iã meridies
appropinquare videretur, Vega mi-
lites cohortatus hunc esse diem, quo
maximè contendere conueniret, vt ali-
quãdo pro tantis laboribus fructũ vi-
ctoriæ perciperet, signũ tuba dari iu-
bet. Hoc etiam ex prætoria trireme
Auria facit, quo exaudito triremes
simulatione inuadendi oppidi, vt ho-
stes, qui murũ cõpleuerãt, dissiparen-
tur, sese circumfuderũt. Milites verò
ea celeritate, atq; eo impetu euolarũt,
vt omnino viderentur, murum, tur-
res, propugnacula, & quicquid esset
impedimenti, facilè superaturi. Ve-
rũm adeò difficilis & arduus ascen-

DE APHRODISIO

*sus vtrique à continenti erat, & introrsus fossa, aggeribus & propugnaculis murus communitus, vt neq; ascendere, neq; desilire quis, nisi manifesto cum discrimine vitæ posset. Sed hoc tanto periculo contempto primus Ferdinãdus Toletus Tribunus excellenti animo ac virtute vir murum ascendit, inuentaq; casu trabes, qua Mauris à propugnaculis ad murum erat transmissus, in oppidum cum septẽ ex his militibus, qui se duces sequebantur, graui iam accepto vulnere desiluit, Gaspar etiam Guzmãnus & Amadorius cum paucis in murum, qui ad sinistrã turrim erat, irruerunt. Ibi Guzmãnus alterum ferè brachium amisit, ceciditq; signifer Richelmus fortissimus vir. Alij verò conuersis signis, quã aditus ad
 mare*

mare patebat, continenti impetu irruerunt, breuia, vadosumque mare, etiam si ab aqua tantum humeris ac summo pectore extaret, superauerunt. Hos Hierosolymitani milites bellicosissimi viri sequuntur. At Turcæ & Præfecti, quibus oppidi custodia à Dorgute commissa fuerat, toto se vndique muro circumfundere, armatos disponere, nostris resistere, defessis recentes succedere cõtendunt. Oppidani etiam magno concursu aduolant, compluresque milites pertinaciter ascendentes vulnerant, atque interficiunt. Hispani tametsi periculoso genere prælii, locoq; alieno premebantur, quippe qui in fluctibus consisterent, neque manualibus tormentis commodè vti possent, quòd aquis tormentarius puluis corruptus esset, ta-

men omnia fortissimo animo sustinebant. Alij alios propellere, recessum primis vltimi non dare, sed acriter incensi districtis gladijs cominus rem gerere, ac tãto impetu murum ascendere, vt interuallo vnius horæ hostes mœnibus, turribus, propugnaculisq; deicerent, pomœriumque duo millia Hispanorum occuparet. Hic rursus hostes se colligere, ac prælium redintegrare cœperunt. Alij cum tormentariorum manipulis nudatis etiam pectoribus manus conferere, alij, cum cætera tela deficerent, lapides conijcere. Hispani mutuò inter se cohortati hostes ex pomœrio pellunt, multos concidunt, cedentes loco insequuntur, neque sui colligendi dant facultatem. Illi in foro ac locis patentioribus cuneatim consistunt, confertissimi

moq̄ peditum & equitū agmine prælium renouant. Atque ita acriter pugnauerunt, tātāq̄ virtutem præstiterunt, quāta à viris fortibus in extrema spe salutis præstari potuit. Nam quem quisque pugnando locum ceperat, eum non nisi cum vita relinquebat: quòd viderent omnem spem salutis in vna virtute positam esse. At milites Hispani pristinae virtutis memores ferro viā aperiunt, nullumq̄ consistendi locum hostibus relinquunt: magna fit vtrunque cædes, magno constat victoria, nihil oppidanis ad virtutem defuit, nemo enim nisi forti, inuictaq̄ manu hoste interfecto longius progredi poterat. Tum Centurio Melchior Zumarraga Segouiensis fortissimè pugnans tormentaria glande secundum aurem traie-

DE APHRODISIO

Etus in ipso oppidi sinu occiditur. Interim etiam accidit, quod dignū memoria visum prætermittendum non duxi. Centurione Morerela ab hostibus interfecto, signifer eius à latere iectu tormenti trāssfixus cecidit, hunc iacentem vt vidit frater, qui proximè aderat, arrepto signo interficitur: cui tertius frater natus minimus succedit, punctoq̄ temporis illo munere fungitur, tormentario globulo traiectus, arripit signum miles quidam vir strenuus, is similiter ab hostibus occisus, quasi per manus signum alijs manipularibus tradidit. Itaq̄ vexillum illud trium fratrum, & alijs militis summi animi & virtutis funere constitit: quod reliqui inferre non destiterunt, vsque dum ea parte hostes submouerentur. Quorum alij magno clamore

clamore ac fremitu, qui etiam vtrin-
 que sublatus per totum oppidum ex-
 audiebatur, aditus platearum occu-
 pare, ibiq; fortissimè occidere. Alij re-
 pētina ruina commoti, inopinato ma-
 lo turbati, oppidi direptione perter-
 riti in aliam partem ferri. Matres
 familiàs flentes cum liberis deorum
 ira percussæ repēte in publicum pro-
 silire, ad cœlū manus tendere, ad Ma-
 chometifana procurrere, eò se reci-
 pere, ibique proiectæ victoriam ab eo
 exposcere, omnibusq; precibus à suis
 petere, ne se, & cōmunes liberos ho-
 stibus in perpetuam seruitutem, aut
 supplicium dederent. Quo fiebat, vt
 Turcæ & Mauri audacius subsiste-
 rent, ac nostris intrepidè occurrerēt,
 atque eo animo depugnarent, vt vel
 saluti, subsidioq; suis essent, vel for-
 titer

titer occumberent. Qui etsi nulla vi nostris se obsistere sperabant, tamen eos sic inuadebant, vt quàm plurimos loco depellerent, nonnullosq; interficerent, in his Pimētelli signifer fuit vnà cum alijs tribus militibus, qui inferiores ordines ducebant. Tum Alphonsus Pimētellus, & Oribela Centuriones, & signiferi Aluari Vegæ & Solizij vulnerantur. Multi etiam de Hierosolymitanis militibus cæduntur. Quo nostri acrius incitati, præsertim cum in conspectu Vegæ et Toleti, qui etiam Auria, atq; ad eò omnium, qui in castris et classe erant, regi, nihilq; strenuè aut ignauè factũ posse celari viderent: tanta animorũ & virtutis contentione in hosteis impetũ fecerunt, vt ex vijs ac foro eos pelleret, persequeretur, & caderent:

omnes

omnesq; victoriæ potius quàm prædæ
studerent, nullumq; pugnandi finem
facerent, quoad omni parte summo-
tis hostibus omnes ad vnum aut ca-
pti, aut occisi essent. Pugnatum est à
meridie prope ad occasum solis, va-
riè acriterq;, ac tanta omnium con-
tentione, vt nemo ferè eorum fuerit,
quin vulneraretur, atque ex his for-
tissimus quisque interficeretur, in-
ter quos fuit Hales alter Turcarum
Præfectus, qui à Christiana Repub.
desciuerat. Alter verò, quem soror-
is Dorgutis filium esse dixeramus,
simul & trecenti Turcæ ac Mau-
ri continenti impetu vltimas oppidi
partes petiuerunt. Verùm cum nul-
lus esset fugæ locus, occupatis dua-
bus turribus, vbi paulùm repugnaf-
sent, se Vegæ tradiderūt. Ex quibus
septua-

septuaginta ijs militibus, qui vuln-
 erati, & præsidio castris relictæ erāt,
 cōcessit. Cigalæ Genuēsi præfectū do-
 nauit, vt eo filiū, qui apud Dorgutē
 in vinculis erat, redimeret. Reliquos
 prædæ nomine ijs militib. distribuit,
 quorū virtute oppidū eo die expugna-
 tū est, nemine omnino ex his sibi retē-
 to, quòd existimaret famam virtutis
 Principi viro abūdè præmium fore.
 Quæ res cūm Vegā omni laude dignū
 tū etiā multo chariorē admirabilio-
 rēq. militibus fecit. Expugnato oppi-
 do deprehensæ sunt in cothone naues
 illæ, quæ Alexādria milites, frumen-
 tū, et cōmeatus deportauerāt. Inuēta
 sunt etiā quatuordecī ærea tormēta
 ingentia, præter alia nō pauca ex fer-
 rea materia. Ad hæc multa atq. lauta
 supellex, & magnū pōdus argēti &
 auri.

auri. His accedebat non parua copia frumēti, cōmeatuū, cæterarūq; rerū, quæ ad bellicum vsūm erāt cōgestæ. Captiuorū numerus ad Vegā relatus fuit milliū septē. Nec nostris ea victoria incruēta fuit amplius ducētis occisis, alijsq; q̄ plurimis vulneratis, ex quibus multi postea ex vulneribus, quòd tela veneno illita fuissē crederētur, interierūt: atq; in his Ferdinandus Toletus, & Ferdinandus Lupus Lusitanus militū Tribuni: occubissentq; multo plures, nisi q̄ primū Vega saucios in Siciliam deportādos curasset. Ex Hierosolymitanis militibus, qui eo die, vt solēt, fortissimè pugnauerūt, tū in pugna, tū etiā nō multo post ex vulneribus, quæ in ea pro Christiana Repub. acceperāt, paulo plus triginta mortē oppetiuerūt. Postero

ſtero die Vega primū purgato oppi-
 do, fanū, quod ibi erat maximū, expiā-
 dū, dedicādūq; Deo Opt. Max. curat:
 inibiq; facta re diuina, occiſos ſepeliri
 præcipit, deinde oppidū muniri, deie-
 cta bellicis tormentis refici, foſſas ex
 purgari, frumentū, cōmeatusq; in op-
 pidū cōportari iubet. Dū hæc Aphro-
 diſy geruntur, captiui quidā Græci,
 qui ex Meninge profugerāt, Auriæ
 nunciāt Otthomanū cæcū ab altero e-
 ius inſulæ Præſectō interfectū, quòd
 impenſe Turcis ſtuderet, omnibusq;
 officijs Dorgutē proſequeretur: cui
 etiā ipſe plurimū tribueret, ſeq; illi
 vni cōmitteret: eoq; interfectō inſula-
 nis interdicitū, ne quis Turcas excipe-
 ret, aut vlla re iuaret. Dorgutē verò
 re intellec̄ta cū liberis & vxoribus,
 ſarcinis atq; impedimentis ſe in naues

rece-

recepisse, huc atq; illuc deerrare, neque alium receptum habere, in quo tuto hyemare possit. Hoc nuncio accepto Auria communicatis cum Vega & Toletis consilijs inita quarta vigilia cum viginti triremibus in Menin gem proficiscitur, quem statim Vega cum reliqua classe subsequitur. Cum iam Rhuspas præterueheretur, pauloq; plus triginta millibus passuum à Cercina abessent, in quam insulam Pirata se contulerat, tanta subito tempestas coorta est, vt nulla earum triremium cursum tenere posset: sed eodem, vnde erant profectæ, referrentur, Auriaq; & Vega incepto conatuq; desisterent. Qui postea ex Mauris compererunt, Piratam ex Menin ge expulsam tota illa ora vagari, nauibusq; receptaculum quærere ac pe-

G

tere

tere, quo in hybernis tutius esset, quòd Meningitanis se cõmittere non auderet. Vega omnibus rebus, quas fieri iusserat, perfectis: mille & ducentos Hispanos cum magno tormentorum, cæterarumque rerum bellicarum, & frumenti, ac cõmeatum numero oppido præsidio relinquit. His Aluarum Vegam filium vsque dum aliud Cæsar imperaret, præficit: eiq; mandat, vt oppidum muniendum curret: caueatq; ne quid detrimenti ex hostibus accipiat. His prudẽter cõstitutis, omnibusq; rebus ad nauigationem comparatis oãtauo Cal. Oãtob. omnes cum captiuis, & præda, quæ cuiq; obuenerat, Aphrodisio soluunt. Verùm cùm triremes tẽpestate quatuor dies continenter afflictaerentur, neque vlla earum Larunesias capere possẽt,

possēt, coacti sunt eodē, vnde egressi erāt, reuerti. Rursus paucis post diebus ex portu exeunt, & quanq̄ nonnullæ triremes grauitè afflicte, ac v̄to dispersæ fuerunt, tamen omnes ad vnam incolumes Drepanum perueniunt. Ibi Ioanne Vega Prorege magno Siculorum cōcursu ac gaudio excepto, Andreas Auria & Garsias Toletus profecti, hic Neapolim, ille Genuam pridie Idu. Nouemb. incolumis est reuersus. Hac Hispanorum victoria nunciata magnus repēte terror vniuersam Africā inuasit, propterea quòd id oppidum, in quo omnem spem cuncti reposuerant, à nostris expugnatum viderent: & quo amisso, totam etiam prouinciam armis subiendam crederent, ipsamq̄ tandem in Christianorum potestatem deuen-

turam constanter affirmarent. Quod ita euenturum multi Mauri, præcipuè ij, qui ipsorum lingua Alfachij, Latina Sapientes appellantur, se ex sortibus & vaticinationibus præno- uisse testabantur. Quo factum est, vt complures captiui à Machometo des- sciscerent, atque eò magis, vt id face- rent, adducti sunt, quòd oppidum il- lud ab alijs frustra tentatum accepis- sent. Nam, vt cæteros omittam, Al- phonsus Aragonius Neapolitanorũ clarissimus & fortissimus Rex, cum Tunetesiũ Regem prælio ad Menin- gẽ superatum vectigalẽ fecisset, A- phrodisiumq; obsidere statuisset, per- specto eius situ, de expugnatione de- sperauit, nauibusque, quas ibi extra- cothonem deprehēderat, incensis, ne tentata quidem re Neapolim se rece- pit

pit. At Hispani milites nullis auxilijs adiuti, nullis externis militibus, præter ducentos Hierosolymitanos, ac totidem propè Græcos & Siculos, admissis, bellica virtute Neapolim, Siciliam, Sardiniam, aliasque maris conclusi Christianorū insulas, et ciuitates maritimas liberas à Dorgute, immansissimo Prædone fecerunt, auspicijsque Caroli Quinti Cæsaris Aphrodisium expugnauerūt, quod, vt olim Barbarorum, sic nunc Christianæ Reipublicæ munitissimū est propugnaculum.

FINIS.

G iij

¶ *AD CAROLVM QVIN-
tum Cæsarem Augustũ Gonçalui
Perezij Epigramma.*

Dú tu Germanis das leges Maxime Cæsar,
Inque rebellantes horrida bella paras,
Dú vel cõponis nunc hæc, nunc dispicis illa,
Vt te distringit relligionis amor,
Ecce arces Libyę tibi cedût, Aphrica victa est,
Subdit & imperio barbara colla tuo.
Nec mirũ, si Hispana cohors discrimina tãta
Auspicijs superat Carolę Diue tuis.
Sed si parua manus absenti Cæsare vincit,
Quid si acies vultus cerneret ipsa tuos?
Intuideat Latium, fileat iam Gallia pugnax,
Vincendi que modum discat ab Helperia.
Acceptũ Hispanus ferat hoc tibi, tu tamen illi,
Quod tulit intrepidas ad tua vota manus.

¶ *AD EVNDEM, IOAN-
nis Christophori Calueti Stellę
Encomium.*

O Dea, quę Patris summo de vertice magni
Orta deum Geticum
Ægide terrificas, quę diro fulmine terras,
Et maria alta quatis,

Inuictum

Inuictum mirare Ducē:mirare trophæa
 Principis Hesperix.
 En decus Imperij, Stygijs reuocatur ab vndis,
 En rutilant Aquilæ.
 Per mare, per terras victricia signa feruntur,
 Cæsaris Austriaci.
 Per quæ prisca suū repetit iâ Roma nitorē,
 Et Latium recipit.
 Quo rerū custode salus promittitur orbi,
 Quo duce porrigitur
 Maiestas illa Imperij, quæ solis & ortus,
 Occubitusq; vides.
 Tu miseris mūdi rebus fers Maxime Cæsar
 Auxilium, atque pius
 Religionis amor cogit te bella sacratæ
 Horrida conficere.
 Extirpas hosteis, ne dogmata plena venenis
 Inficiant populos.
 Te Gallus, fortisq; Ligur, Thusciq; superbi,
 Teq; potens Venetus
 Horruit, & Latiū tremuit, viditq; cohortes
 Maxima Roma tuas.
 Cesserūt Mauriq; truces, Numidèq; Arabesq;.
 Atque niger Garamas.
 Et Tuneta urbē vidit captamq; Guletam
 Ariadenus atrox.
 Te quoq; Turcarū timuere horrèda Tyrāni
 Agmina mille feri.

E N C O M I V M.

Quę, dū Pannonias vastāt, dū regna tenētur
 Cuncta timore graui.
 Trans septēgeminū fugerunt turpiter Istrū
 Teq; tuasq; manus.
 Quinētia ille acer fortisq; Menapius armis
 Cessit, & horribiles
 Tunc inuita tuas admisit Dura phalangas
 Diruta Marte fero.
 Imperiumq; tuum victi subiere rebelles
 Cum Duce Saxonico
 Germani. Cessitq; tuis victricibus armis
 Supplice voce ferox
 Hestorū Princeps. Nā quos tua numina Cęsar
 Non subigant animos?
 Te Persę, Mediūq; leues, Parthiūq; fugaces,
 Te quoque Massagetes
 Extimuit. totumq; tuis en circuit orbem
 Impiger auspicijs
 Hispanus, iuperat mōteis & flumina, priscais
 Littora & Oceani
 Ignota. Vnde tibi gemmarum copia tanta
 Nauibus aduehitur.
 Vnde etiā immēsūm argenti, flauiq; metalli
 Pondus ad vsque Lycum
 Portatur rapidum. Non illum Tethios ira,
 Sęuaq; Nereidum
 Numina deterrēt, Neptuni aut fuscinaglauci
 Monstrave Carpathij

Vatis. Quid non perlustrat? Plutonia restant
 Regnaq; & atra palus.
 Cerberus, & phlegetō, diræ, manesq; profundi,
 Aulãq; Persephones.
 Armis cuncta domat. Cedunt populiq; feroces
 Oppidaq; aggeribus
 Et fossis munita cauis, & turribus altis,
 Cinctaq; coctilibus
 Muris. Nō tormenta illum Vulcania terrēt,
 Horrificiq; globi.
 Irruit intrepidus semper, seu vincere certus
 Vltima siue pati.
 Hoc Turcæ nouere feri, en Aphrodision illud
 Vnica spes Libyæ,
 A Gallis olim frustra obsessum tibi paret,
 Imperioq; tuo
 Virtute, atque armis Hispanorū. En tua signa
 Ora maris Libyci,
 Victricesq; aquilas videt. Has Iordanis ab vndis
 Gens Galilæa petit.
 Cæsareas Aquilas cuncto dominarier orbi
 Græcia capta cupit.
 O venias Cæsar, tibi nam Tritonia Virgo
 Certa trophæa canit.
 Te Patrem Patriæ terrę venerantur, & vndę
 Te dominum resonant.

AD EVNDEM NICO-
lai Nicolaj Grudij Epi-
gramma.

Interea patrijs reuocas dum numina tēplis,
Numinibus reddi tēplaque rapta iubes.
Desertisque sacros aris indicis honores,
Suadet vt antiquæ religionis amor.
Ecce procul meritis pro talibus orbe remoto
Additur imperijs Aphrica capta tuis.
Viſtaq; gens verſis animis pia ſacra recepit,
Luſtraturque deo flumine tincta caput.
Auspicijs pugnaffe tuis tam iuuit Iberos,
Quos penes eſt per te gloria militiæ.
Nēpe ſui Deus ipſe fouet quod vīdicis arma
Orbe tuo maius Carole nomen habes.
Id tamen vt nuſquā lōgo obſcuretur in æuo,
Aeterna illuſtrans dat tibi Stella face.

EIVSDEM AD
Stellam.

Solus Alexandrū depingere norat Apelles,
Dicere tu ſolus Cæſaris acta potes.

IOAN. CHRIST. CAL.⁵⁴
Stella Ad Aphrodisium
Phaleucium.

Exi, vade Aphrodisium disert
Illustrisq; Auilæ domum: fouebit
Blando te ille sinu: rogabit, ecquid
Noster Stella agit? Et viam ire dices,
Et Scaldim petere, vt tuas ad ædes
Me comptum & nitidum remittat ille.
Vt terræ videam æquorisq; tractus.
Cessas ire? times? nihil pericli est,
Nec tormenta ibi, queis quati superbæ
Et turre valeant, tuusq; murus.
Cinctas floribus, & rotis videbis,
Spirantes Tyrium, Indicumq; nardum
Aedes, quas Zephyri tenent secundi,
Et blandæ Charites, Puerq; nudus,
Auratisq; Cypris colit capillis.

FINIS.
Deato Agidio Abbati Confessori
Dicatum. Salmantica.

Calend. Sept. 1658.

Petrus Velleius Guemora.

INDEX RERVM ME-
morabilium, quæ in hoc Com-
mentario habentur.

A Enobarbus Christiani nominis hostis atrocis- simus Folio 8	Amadorius Nauarrus Cen- turio 11
Aethusa insula vulgo Fama- na 19	Andrea Auria principis Mel- phitani laus 8
Africa provincia fame labo- rat 36	Andreas Auria Cæsarea clas- sis maximus prefectus 10
Africa viros fortes alit 39	Andreas Auria Gennam re- uertitur 50
Alexandria Aegypti ciuitas folio 17	Andronicus Spinosa 38
Alicantum Hispanie oppidū folio 14	Angli 4
Alon hodie quibusdam Ale- cantum videtur 14	Antonius Auria vnus ex præ- fectis Cæsareae classis. 12
Alphonsus Pimentellus Cen- turio 18	Antonius Auria in Siciliam traiecit 27
Alphonsus Pimentellus vul- neratur 46	Antonius Auria ex Sicilia re- uertitur 37
Alphonsus Aragonius Nea- politanoꝝ Rex 50	Antonius Morenus Cēturio folio 28
Alphonsus Cueva in Varge locum suffectus 38	Aphrodisium à Gallis ex Li- guribus frustra obsessum folio 4
Alfachiꝝ Latine Sapientes fo- lio 50	Aphrodisium vulgò Aphrica folio 6
Aluarus Vega ad Monaste- rium pugnavit 16	Aphrodisium à Mauris Ma- badia dicitur eodem
Aluarus Vega in discrimen venit 29	Aphrodisiū Aphrica propriè oppidum ibidem
Aluarus Vega Aphrodisio proficiscitur 49	Aphrodisiꝝ descriptio. 6. et 7
	Aphrodisiū sub imperio Tu- netensium 7
	Aphrodisium

I N D E X.

Aphrodisium à Dorgute Pi- rata dolo captum	7	Auria in Mauritaniam tran- sijt	ibidem
Aphrodisium quando ab Hi- spanis expugnatum	8	Auria & Toletus monaste- rium Africa oppidum op- pugnant & capiunt	13
Aphrodisium cœtra Siciliam est	11	Auria Aphrodisium oppug- nare statuit	13
Aphrodisium terra mariq; obsidetur	21	Auria ad Guletam arcem de expugnando Aphrodisio agit	15
Aphrodisium tormētis qua- titur	22.24	Auria Toletis sententiam pro- bat	16
Aphrodisiū ab Hispanis cap- tum	47	Auria Ferdinandum Vegam in Siciliam ad Ioannem Va- gam Protegem mittit	16
Aphrodisium Maurorū >ni- ca spes	50	Auria in Siciliā renouat	17
Aphrodisium ab Alphonso Rege & alijs frustra ten- tatum	50	Auria Praefectos classis mo- net	41
Aphrodisium Christiana rei publica propugnaculū	51	Auria in Meningem nauigat solto	49
Arabes in castra Hispanorū uenerunt	23	Auria & Vega incepto desi- stunt	49
Arabes leues & fide parū in- tegra	24		B.
Ariademus Aenobarbus Tur- carum classis maximus Praefectus	7. & 8	Baleares Dorgutem magna illata clade repellunt & su- gant	14
Auria ex portu Genuensium soluit	10. & 11	Barbarorum turba in castra Hispanorum confluit	36
Auria Spediam uenit	12	Belcazar Centurio	18
Auria Neapolim adpulit	12	Belcazar Centurio ex uul- nere interijt	21
Auria Panhormum appli- cuit	ibidem	Belga	4
Auria cum classe Panhormo soluit Dorgutē persequi tur	eodem	Berengarius Requesentius Secula classis praefectus	12
		Bernardinus Corduba	18
		Bernardus	

I N D E X.

<i>Bernardus Solerius.</i>	18.	10.	nit	19
<i>BriZenius Centurio</i>	18		<i>Casarea classis incolumis Aphrodisium peruenit</i>	19
<i>Byzacium Africa regio</i>	35		<i>Casarea classis Drepanum rediit</i>	50
C.			<i>Cidarfes Carruani rex</i>	23
<i>Cabis diabolus pirata</i>	8		<i>Cidarfes de concordia cum Hispanis agit</i>	23
<i>Calones & Siculi turo lignationem fecerunt pugnantibus Hispanis ad olinetum</i>	32		<i>Cidarfes sub signis quindecim nulla Arabū habuit folio</i>	23
<i>Captiuorum numerus</i>	48		<i>Cidarfes Malei HaZenij regis corpus ad sepulturam posuit</i>	24
<i>Caryotides</i>	35		<i>Cidarfes cum Hispanis sic dus percussit</i>	35
<i>Carolus Quintus Caesar inuictissimus</i>	5		<i>Cidarfes Hispanos cibarijs inuit</i>	35
<i>Carolus Aragonius Terre noue Marchio</i>	13		<i>Cigala Genuensis triremis una à Dorgute capta</i>	9
<i>Carolus Quintus Caesar in Africā traiecit & Galetā arcem expugnauit</i>	15		<i>Cigala Genuensis unus ex Praefectis Casarea classis</i>	24
<i>Carolus Quintus Caesar Mulocium HaZenium in regnum restituit</i>	15		<i>Classis Turcarum sub Aeno barbo quando coacta</i>	8
<i>Carolus Quintus Caesar Aenobarbum ex regno Tunetensi pellit & fugat</i>	15		<i>Classis Dorgutū quadragesima septem nauium</i>	10
<i>Carruanum</i>	23		<i>Cohortes Hispanorum dimi nute</i>	30
<i>Carruanū Africa ciuitas maxima praeter Taneta</i>	34		<i>Constantinopolis</i>	8
<i>Catalogus cohortium Hispanorum</i>	19		<i>Cornelij Scepperi praefatio folio</i>	2
<i>Centuria Graecorum</i>	19		<i>Corfica Genuensium insula</i>	8
<i>Centurio quidam Graecus folio</i>	19		<i>Cosinus Medicus Florentino</i>	
<i>Casarea classis monasteriū appulsa est</i>	13			
<i>Casarea classis Drepano sol</i>				

I N D E X.

rum Princeps	12	Dorgutes cum classe casaria	
cosmi Medici triremes tres		conflorens capitur	8
folio	12	Dorgutes cathenis cōstrictus	
Cotho portus manu factus		folio	9
folio	7	Dorgutis animus qualis	9
Cullera oppidum, olim Su-		Dorgutes captus fortissimè	
cro	14	fortunam pertulit	9
D.		Dorgutes paruo precio liber	
Descriptio Aphrodisij	5	tatem recepit	9
Descriptio castrorum fo-		Dorgutis auctoritas apud	
lito	28. & 29	Barbaros	9
Descriptio machinationis na-		Dorgutes classem contrahit,	
ualis	37	in Italiã navigat, Liguria	
Didacus Ferdinãdus More-		oram depopulatur	9
rela	11	Dorgutes triremem unã ci-	
Diversa Praefectorum sentē-		gala & aliquot naues one-	
tia de irrumpendo in po-		rarias capit	9
marium Aphrodisij	26	Dorgutes oram Ligustici &	
Dorgutes Turca pirata insi-		Iberici maris depopulatur	
gnus	7	folio	9
Dorguti stratagemata	7	Dorgutes triremem Rhodiã	
Dorgutes se Dynastam ap-		cum magna auri copia ca-	
pellari iubet	7	pit	9
Dorgutes per obscuro loco		Dorgutes callidus	10
natus	8	Dorgutes impetum casarea	
Dorgutes sub Aenobarbo ty-		clāsum metuens refugit &	
ranno meruit	8	beneficio noctū euasit	10
Dorgutes quando cepit fa-		Dorgutes Aphrodisium do-	
cere piraticam	8	lo capit, munit & presi-	
Dorguti virtus	8	dio format	10
Dorgutes ceteris piratis ab		Dorgutes Turcam Sororis si-	
Aenobarbo praeficitur	8	lum & Hæletem Aphro-	
Dorgutes tredecim nauibus		disio praeficit	10
longis in Corsicam navigat		Dorgutes in Hispaniam na-	
folio	8	nigat	10

Dorgutes

I N D E X.

<i>Dorgutes oppidum sancti Ioannis & Culleram diripuit</i>	14	<i>Equus Dorgutis in praelio ad olinetum vulneratus</i>	34
<i>Dorgutes Polentiam Bala- ris maioris inuadit sed ac- cepta clade repellitur</i>	14	<i>Euphrates fluvius</i>	5
<i>Dorgutes nulli casibus fra- ctus</i>	14	F.	
<i>Dorgutes in Meningem me- tu se recepit</i>	15	<i>Fame Africa laborat</i>	36
<i>Dorgutes pedestribus copijs subsidio oppidanu uenit</i>	15	<i>Fanum Aphrodisij deo dica- tum</i>	48
<i>Dorgutes praelio ad oliuetu interfuit & septuaginta Turcas cum duobus Prese- ltis amisit</i>	34	<i>Ferdinandus Lupus Lusita- nus Tribunus</i>	12
<i>Dorgutes iacturam dignitatis & honoris fecit</i>	35	<i>Ferdinandus Toletus Tribu- nus</i>	18
<i>Dorgutes ex Meninge profu- git</i>	48	<i>Ferdinandus Sylua</i>	19
<i>Dorgutes in Cercaniam se co- tulit</i>	49	<i>Ferdinandus Vega Ioannis Siciliae Proregis filius</i>	16
<i>Dorgutes prado inmaniissi- mus</i>	51	<i>Ferdinandus Vega Siciliae Proprietor</i>	18
<i>Drepanum Siciliae oppidum & portus</i>	17	<i>Ferdinandus Vega in Sicilia traiecit</i>	17
E.		<i>Ferdinandi Gonsaga Prin- cipis Molphetani laus</i>	28
<i>Ebusus insula Luica vulgo, folio</i>	14	<i>Ferdinandus Gonsaga qua- tuor cohortes Hispanorum Aphrodisium misit</i>	28
<i>Encomium Stella ad Casa- rem</i>	52	<i>Ferdinandus Toletus primus murum ascendit</i>	43
<i>Epigramma Gonsali Pere- ridem</i>	53	<i>Ferdinandus Toletus ex vul- neribus interijt</i>	46
<i>Epigrammata Nicolai Grw dy</i>	53	<i>Ferdinandus Lupus ex vul- neribus obiit</i>	48
		<i>Ferramolinus architectus et machinator glante ter- mentaria interficitur</i>	36
		<i>Florentia ciuitas Italiae</i>	28
		<i>Florentini equites</i>	39
		<i>Franci</i>	4
		Fratrum	

I N D E X.

<i>Fratrum trium & alius mili-</i>		<i>ma</i>	15
<i>tu virtus & cedes</i>	45	<i>Guleta à Carolo Quinto Ce-</i>	
<i>Franciscus Bincrus</i>	38	<i>sare expugnata</i>	15
G.		H.	
<i>Gallia Belgica</i>	11	<i>Hala pirata</i>	8
<i>Gallorum & Ligurum expe-</i>		<i>Hales Aphrodisij praefectus</i>	
<i>ditio in Africam</i>	3	<i>folio</i>	10
<i>Garsias Toletus & Antonius</i>		<i>Hales à Christiana Repub.</i>	
<i>Auria cum Neapolitana</i>		<i>desiuit</i>	47
<i>classe se Principi Aurie ad-</i>		<i>Hales interficitor</i>	47
<i>iuungunt</i>	12	<i>Hametus HaZenius Muleti</i>	
<i>Garsias Toletus Petri Nea-</i>		<i>HaZenij Tunetensium Re-</i>	
<i>politanoorum Proregis fi-</i>		<i>gis filius</i>	23
<i>lius</i>	15	<i>Hieronymus Manricus</i>	28
<i>Garsias Toletus Auriam her-</i>		<i>Hierosolymitaniorum laus</i>	
<i>tatur ut in sententia per-</i>		<i>folio</i>	10
<i>stet</i>	15	<i>Hierosolymitanorum militū</i>	
<i>Garsie Toleti laus</i>	16	<i>numerus</i>	19
<i>Gasspar Guzmanus</i>	28	<i>Hierosolymitanorum militū</i>	
<i>Gasspar Guzmanus pene al-</i>		<i>virtus</i>	44
<i>terum brachium amisit fo-</i>		<i>Hierosolymitani milites ce-</i>	
<i>lio</i>	43	<i>duntur</i>	46
<i>Gelnes olim Meninx</i>	7	<i>Hierosolymitani milites tri-</i>	
<i>Genoa ciuitas Itabae</i>	28	<i>genti interfelli</i>	48
<i>Genuesium portus</i>	10	<i>Hispani ab iniuria vindica-</i>	
<i>Germania</i>	23	<i>ti</i>	3
<i>Glandei tormentaria</i>	28	<i>Hispanorum laus</i>	4
<i>Globorum tormentariorum</i>		<i>Hispanorum Martia virtus</i>	
<i>numerus</i>	38	<i>folio</i>	5
<i>Graeci</i>	5	<i>Hispanorū fortia facta scri-</i>	
<i>Graeciquidam captiui ex Me-</i>		<i>ptorum culpa minus nota</i>	
<i>ninge Aphrodisium profu-</i>		<i>folio</i>	5
<i>gerunt</i>	48	<i>Hispanos maiorem laudē a-</i>	
<i>Graecorum centuria vna</i>	19	<i>depisci ex sua virtute quā</i>	
<i>Guleta arx Africa munitissī-</i>		<i>ex scriptorum facundia</i>	5
		H	Hispania

I N D E X

Hispania Betica	11	I.	
Hispanorum militaris mos folto	11	Iacobus Apostolus Hispano- rum Praeses	29
Hispanorum virtus, studium labor & industria	20	Ibericum mare	9
Hispanorum laus	21	Illicen oppidū Hispaniae Ab- cantam hodie plerūq; esse videtur	14
Hispanorum lenia praelia cū Arabibus	23	Insubria regio Italiae hodie ducatu Mediolanensis	11
Hispani lignationem ex Ob- ueto faciunt	24	Ioannes Atria Caesarea clas- sis Praefectus Dorgutem cū modicis nauibus cepit	8
Hispani inter lignandum cre- bra praelia cum Mauris fa- ciunt	24.39	Ioannes Vega Siciliae Prorex folto	13
Hispani in pomarium irrum- punt	24	Ioannis Vega laus	13
Hispani quot ad oluetum in- terfecti	34	Ioannes Osorius Quignonius custodia Vega Proregis Praefectus	17
Hispani ad oluetum numero occurringē Duce Vega for- tissime pugnauerunt	35	Ioannes Mendocia	18
Hispanorum militum celeri- tas & impetus in irrum- pendo	43.44	Ioannes Guzmannus	28
Hispani in expugnando A- phrodisio vulnerantur & multi occiduntur	46	Iordanus Ursinus Florenti- narum triremium Praefe- ctus	39
Hispani Aphrodisium capiunt & diripiunt	46.47	Iordanus Ursinus traiecto brachio equo decidit e- quumq; amisit	39
Hispanorum de Aphrodisio victoria non incrementa fo- lio	48	Irruptio Hispanorum in po- marium	27
Hispanorum interfectorum numerus	48	Indeus pirata	8
Muzianus Cbelenius Aphro- disium prodicione cepit	7	Ischna olim Pitecusa	9
		Inbus tertius Pontifex Ma- ximus	12
		Iulij tertij Pontificis Maxi- mi triremes quatuor fo- lio	12
		Larunefia	

I N D E X.

L.		<i>Machometana felix imple</i>	
<i>Larunesa insule hodie Cuni</i>		<i>frass</i>	23
<i>cularia</i>	17	<i>Machometus</i>	46
<i>Libypharices populi Africa</i>		<i>Malassina Insubriae tractus</i>	
<i>Byzacium tenuerunt</i>	35	<i>hodie Marchionatus Mala-</i>	
<i>Liburnus Thufcia portus ho-</i>		<i>ssina dicitur</i>	11
<i>die Liorna</i>	12	<i>Marcus Cicerio Panthormis</i>	
<i>Liguris & Gallorum expedi-</i>		<i>ab Atria cū classe missus</i>	17
<i>tio in Africam</i>	3	<i>Marcus Centurio Genuam</i>	
<i>Liguria Italię regio</i>	9	<i>cum decem triremibus ab</i>	
<i>Ligusticum mare</i>	9	<i>Atria mittitur</i>	28
<i>Lotophagi populi Africa</i>	7	<i>Marcus Centurio ex Liguria</i>	
<i>Luca Italia ciuitas</i>	23	<i>reuersus exercitum magna</i>	
<i>Ludouicus Anila Stunica Mi-</i>		<i>latitia affecit</i>	38
<i>litię Alcātarēsis Præfectus</i>		<i>Manuale tormentum vulgo</i>	
<i>Ludouicus Borboniorū Duc</i>		<i>arcabuꝝium</i>	39
<i>folio</i>	3	<i>Matres familias Machometis</i>	
<i>Ludouicus Anila Stunica re-</i>		<i>uictoriam poscunt</i>	46
<i>rum gestarū Caroli Quin-</i>		<i>Mare conclusum Mediterra-</i>	
<i>ti Cesaris Scriptor</i>	5	<i>neum</i>	51
<i>Ludouicus Perezus Var-</i>		<i>Mauri Præfecti uirtus</i>	39
<i>gas Guletana arcis Præfe-</i>		<i>Maurus Præfectus Iordanis</i>	
<i>ctus</i>	15	<i>Vrsinum uulnerat & equo</i>	
<i>Ludouicus Perezus Var-</i>		<i>deturbat</i>	39
<i>gas Aphrodisium cum una</i>		<i>Mauri Aphrodisium inexpu-</i>	
<i>trireme uenit</i>	21	<i>gnabile credebant</i>	50
<i>Ludouicus Perezus Var-</i>		<i>Melchior Zumarraga Seg-</i>	
<i>gas telo missili pene trans-</i>		<i>uiensis Centurio</i>	18
<i>fixus</i>	21	<i>Melchior Zumarraga inter-</i>	
<i>Ludouicus Perezus Vargas</i>		<i>ficatur</i>	45
<i>prelio ad obuictum interfi-</i>		<i>Meleagrides</i>	35
<i>ctur</i>	32	<i>Meninx insula hodie Gelues</i>	
M.		<i>folio</i>	7
<i>Machinationis naualis de-</i>		<i>Meningitani hodie Geluen-</i>	
<i>scripta</i>	37	<i>ses</i>	50
		H ij	<i>Messana</i>

I N D E X.

<i>Messana Siciliae ciuitas</i>	36	<i>Nauta ab Orihela Centurio</i>	
<i>Miletus Hispani uirtus</i>	22	<i>ne animo confirmatur</i>	40
<i>Monaſterium Africae oppidū</i>		<i>Naues Alexandriae tres A-</i>	
<i>ſolio</i>	12	<i>phrodiſium ingrediuntur</i>	
<i>Monaſterium ab Hispanis ca-</i>		<i>ſolio</i>	17
<i>ptum & direptum</i>	13	<i>Naves Alexandrinae in Co-</i>	
<i>Monticulus Aphrodiſij</i>	7	<i>thone deprehende</i>	47
<i>Morerela Centurio muliera</i>		<i>Neapolis ciuitas & regnum</i>	
<i>tur</i>	13	<i>in Italia</i>	8
<i>Morerela & Oſorius monti-</i>		<i>Numerus Hispanorum in ex-</i>	
<i>culum capiunt</i>	20	<i>pugnando Aphrodiſio in-</i>	
<i>Morerela interficitur</i>	45	<i>terfeſtorum</i>	48
<i>Mulcius Haſtencus Tueten-</i>		<i>Numerus captiuorum</i>	48
<i>ſium Rex</i>	23	O.	
<i>Mulcius Haſtencus à Caro-</i>		<i>Oliuetum</i>	24
<i>lo Quinto Caſarem regnū</i>		<i>Oppidum ſancti Ioannis</i>	14
<i>reſtitutus</i>	15	<i>Oppidanorum eruptiones ua-</i>	
<i>Mulcius Haſtencus à filio ef-</i>		<i>rie</i>	20.21.22.33
<i>foſſis oculis regno pulſus</i>		<i>Oppidani angentur animi</i>	
<i>ad Caſarem confugit</i>	23	<i>ſolio</i>	20
<i>Mulcius Haſtencus ad Vegā</i>		<i>Oppidanorum cura & labor</i>	
<i>miſſus Aphrodiſium uenit</i>		<i>in munēdo Aphrodiſio</i>	25
<i>ſolio</i>	23	<i>Oppidani ex capitibus hoſtiū</i>	
<i>Mulcius Haſtencus Rex in</i>		<i>in muro trophæum ſtatue-</i>	
<i>caſtris mortem obiit</i>	24	<i>runt.</i>	27
<i>Mulci Haſtenci corpus Car-</i>		<i>Oppidani in caſtra trumpen-</i>	
<i>riuanum miſſum</i>	24	<i>tes à Toletis repelluntur</i>	33
<i>Murus Aphrodiſij qualis &</i>		<i>Oppidani ex muro Hispanos</i>	
<i>quantus</i>	6	<i>contumelijs afficiunt</i>	
<i>Muri Aphrodiſij undecim</i>		<i>ſolio</i>	38
<i>dieſ tormentis concuſſi</i>	39	<i>Oppidani ex muro quatuor</i>	
N.		<i>tormenta ex machinatione</i>	
<i>Nauta machinationem nā-</i>		<i>murali deturbant</i>	40
<i>ualem relinquere uolunt</i>		<i>Oppidani fortiffimè occu-</i>	
<i>ſolio</i>	40	<i>bunt, ſepe praelium reno-</i>	
		<i>uant</i>	

I N D E X.

<i>uent</i>	44.46	<i>rat Maleffima prefidio</i>	
<i>Oppidanorum virtus.</i>	45.46	<i>reliquit</i>	11
<i>Oppidanorum nemo enafit</i>		<i>Philippus Princeps in Gallia</i>	
<i>folo</i>	47	<i>Belgicam contendit</i>	11
<i>Oppidani omnes aut capti</i>		<i>Pirata accepta clade ad Po-</i>	
<i>aut interfecti sunt</i>	47	<i>lentiam urbem Dorgutem</i>	
<i>Oppugnatio à continentis fo-</i>		<i>deserant</i>	14
<i>lo</i>	38.39	<i>Pithecuza infula hodie I-</i>	
<i>Oppugnatio ex naualis ma-</i>		<i>schia</i>	9
<i>chinatione</i>	40	<i>Polentia Balearis maioris ci-</i>	
<i>Oppugnatio ex triremibus</i>		<i>uitas</i>	14
<i>difficilis & incòmoda</i>	41	<i>Polentia ciues fortiffimè Dor-</i>	
<i>Oribela Valentinus Centu-</i>		<i>gatem repulerunt</i>	14
<i>rio</i>	24	<i>Polybius Megapolytanus Sci-</i>	
<i>Oribela Valentinus vulne-</i>		<i>pionis Africani Preceptor</i>	2
<i>ratur</i>	46	<i>Pomarium</i>	26
<i>Othomanica claffis quando</i>		<i>Porta Aphrodisij admirabi-</i>	
<i>coacta</i>	8	<i>lis</i>	6
<i>Othomanus cecus Meningi-</i>		<i>Præda Aphrodisij</i>	47.48
<i>tanorum Prefectus inter-</i>		<i>Præfectus Aphrodisij Soro-</i>	
<i>ficitur</i>	48	<i>ris Dorguti filius Cigale do-</i>	
<i>P.</i>		<i>natur</i>	47
<i>Palomarius ad elinetum</i>		<i>Prælium ad elinetum 31. &</i>	
<i>cum alijs feptem interfici-</i>		<i>32. & 33</i>	
<i>tur</i>	31	<i>Prælium intra Aphrodisium</i>	
<i>Paris nauarum</i>	18	<i>folo</i>	43.44.45,46.47
<i>Panormus Sicilia ciuitas</i>		<i>Primaria triremis Caroli A-</i>	
<i>folo</i>	12	<i>ragonij ad Monafteriũ de-</i>	
<i>Petrus Acunia</i>	19	<i>preffa</i>	13
<i>Perfuga Vega quid in oppi-</i>		<i>Primaria triremis Carſie</i>	
<i>do agatur nunciant</i>	25	<i>Toleti ad Aphrodisiũ pe-</i>	
<i>Philippus Hispaniarum Prin-</i>		<i>ne demerfa</i>	41
<i>ceps</i>	11	<i>Puluis tormentarius</i>	18
<i>Philippus Princeps cohortes</i>		<i>Pyrgi veteres oppidum Ita-</i>	
<i>quas ex Hispania aduexit</i>		<i>lia vulgo Ciuita vieja</i>	12

<i>Q.</i>		II
Quatuordecim tormenta e- rea cū alijs ex ferrea ma- teria Aphrodisij inuēta	47	
<i>R.</i>		
Regnum Tunetense olim A- frica propriè	5	
Richelmus signifer interfici- tur	43	
Rodericus Paganus Centu- rio	II	
Rhodia triremis à Dorgate capta	9	
Rhodia triremes quatuor Auriam sequuntur	12	
Romani	15	
Rhuspe Africa propriè oppi- dum hodie Alfaques	34	
Rhuspenses populi Africae so- lū	31	
<i>S.</i>		
Sancti Ioannis oppidum	14	
Sardinia insula	52	
Scipio Aphricanus Polybij coetaneus	2	
Sicilia insula	8. II	
Siculi	3.30	
Signifer BriZenij Centurio- nus cum alijs in pomario in- terficitur	27	
Signifer Pimentelli cum alijs tribus occiditur	46	
Signiferi Almari Vega et So- liZenj vulnerantur	46	
Sinus Ericis in mari Ligusti-		
co		II
Solizinus Centurio	28	
Solū Aphrodisij sabulosū	28	
Species avern	7	
Spedia oppidum Liguriae in sinu Ericis vulgo Specia	II	
Suero oppidum Cullera esse putatur	14	
Syrtis minor Africae sinus	7	
<i>T.</i>		
Tela Barbarorum veneno il- lita	48	
Tempestas Dorgati propitia fuit	50	
Tempus in oppidum irruptio- nis	43	
Testudo Aphrodisij	6	
Thuscia Italiae regio	12	
Toletus & Antonius Auria cū classe Neapolitana Au- rie se iungunt	12	
Toletus & Auria Monaste- riū oppugnant & capiūt	13	
Toletus Auriam hortatur vt in sententia de oppugnādo Aphrodisio perstat	15	
Toletus Neapoli cum supple- mento Hispanorum ad Au- riam Drepanum venit	18	
Toletus castra sua commu- nit	28	
Toletus Hispanis laboranti- bus auxilio venit	33	
Toletus Turcas & oppida- nos ex castris repellit	33	
Toletus		II

I N D E X.

Toletus machinationem nau- alem inuenit	37	ad oliuetum prælum com- mittunt	31
Toletus laus	37	Turcarum & Maurorum fe- rocia in. insequendis Hi- spanis ab oliueto	33
Toletus ex nauali machina- tionemurū quati iubet.	40	Turca & Mauri a castris re- puli	34
Toletus Neapolim rediit	50	V.	
Tormentarij globi	26	Vargas irruptionem in po- marium persuadet	26
Tormentarij milites unde di- cti	22	Vargas cupidus Mauros in- sequitur	30
Triginta ex Hierosolymita- nis militibus interfecti.	48	Varga laus	32
Tritemes quinque Neapoli cohortem vnam Hispano- rum adduxerant	24	Vargas interficitur	32
Tritemū primaria Caroli A- ragonij ad Monasterium depressa	13	Vega Oforium ad Auriam mittit	17
Tritemū primaria Toleti & altera Cigale pene deuor- sa	41	Vega Ferdinandū filiū Sici- liæ Propratorē relinquit	18
Trium fratrum & alius mi- litū virtus & cedes	45	Vega ad Auriam & Toletū Drepanum venit	18
Trecēti Turca & Mauri Ve- ga se tradiderunt	47	Vega pedestrium copiarum Præfectus	19
Tunes Africa ciuitas à Ca- rolo Cesare capta	15	Vega in primam aciem pro- cedit	20
Tunes Africa princeps	34	Vega tormenta disponi iubet sol.	21
Tunetense regnū Africa mi- nor	6	Vega Aphrodisium tormen- tis oppugnat	38.39
Tunetensium Rex in castris mortem obiit	24	Vega Præfectu Arabum fru- mentum metiri iubet	23
Turca vir Princeps interfici- tur	22	Vega corpus Tunetensiu Re- gi Carruanum mittit	24
Turca & Mauri ad quin- quaginta mille cum Hispanis		Vega edictum in Sicilia præ- mittit	27
		Vega à Cidiarse certior fit Dorgutem	

I N D E X.

<i>Dargatem oppidanis auxilio venire</i>	28	<i>classe subsequitur</i>	48
<i>Vega castra contrahit</i>	28	<i>Vega Aphrodisii fanum maximum Deo dicat</i>	48
<i>Vega Alvaro filio succenset falso</i>	29	<i>Vega occisos sepeliri iubet falso</i>	48
<i>Vega acie instructa in olivetum contendit</i>	30	<i>Vega Aphrodisium munit & firmissimo presidio firmat falso</i>	48.49
<i>Vega septuaginta Siculos sine armis molinetum ire iubet</i>	30	<i>Vega Alvarū filium Aphrodisio proficit</i>	49
<i>Vega celeritas, virtus & rei militaris scientia</i>	31 & 32	<i>Vega magno gaudio à Sicilia excipitur</i>	51
<i>Vega impetum Turcarum repromit</i>	32	<i>Veritas in historia</i>	2
<i>Vega egerem Turcarum caput</i>	32	<i>Vexillū triū fratrum & alius militis funere cōstitit</i>	45
<i>Vega ducis & militis officia obijt</i>	33	<i>Viro Principi abundè fanā virtutis premium esse</i>	47
<i>Vega vulneratur</i>	35	<i>Virtus militis Hispani</i>	22
<i>Vega laus</i>	35	<i>Virtus Mauri Praefecti</i>	39
<i>Vega Aphrodisiū à mari oppugnare tentat</i>	36	<i>Virtus trium fratrum</i>	45
<i>Vega sententia de irruptione</i>	41	<i>Victoria Hispanorum Africam terruit</i>	52
<i>Vega cohortes ad irrumpendum instruit</i>	41	X.	
<i>Vega liberalitas</i>	47	<i>Xarifus Maurus</i>	23
<i>Vega sancios in Siciliam mittit</i>	48	Z	
<i>Vega Auriam cum reliqua</i>		<i>Zetha promontorium Syri minoris Memngi ponti coniungitur</i>	7
		<i>Zumarraga Virmanu promptus</i>	26

F I N I S.